

Epistola DE MORIBVS

AC

INSTITVTIS TURCARVM, Cui anneſtitur brevis CONSTANTINOPOLEOS NOTITIA.

*Authore Tho. Smith Coll. D. Mariæ
Magdalenæ Oxon. Socio.*



OXONII,

*Excudebat H. H. Academia Typographus,
Impensis Ric. Davis. M. DC. LXXIV.*

THE

AMERICAN

WOMAN

OF

TO

THE

AMERICAN

WOMAN

OF

THE

AMERICAN

WOMAN

OF

THE

AMERICAN

WOMAN

OF

THE

AMERICAN

WOMAN


OF

THE

*Insignissimo & Præstantis-
simo viro,*

D. JOSEPHO WILLIAMSONO
EQUITI AURATO, .

*Serenissimi Britanniarum
Regis apud Coloniam Agrip-
pinensem Legato.*





Index vocabulorum *Turcico-*
rum & Arabicorum.

ات میدان	<i>At midân,</i>	117.
آخور قاپوسی	<i>Achor capisi.</i>	85.
ادرنة	<i>Edriane.</i>	86.
استنبول	<i>Istanpol.</i>	77.
اسکی سرای	<i>Eski Serai.</i>	90.
اسلام	<i>Islâm.</i>	
اسلام بول	<i>Islam boul</i>	77.
افیون	<i>Ofium.</i>	38.
اگری	<i>Egri.</i>	86.
	<i>Ingil.</i>	61.
اودلر	<i>Odaler</i>	114.
اودون	<i>Odun.</i>	88.
	<i>Orta</i>	

INDEX

اورتہ خامع	<i>Orta giameh.</i>	115
ون اچماں	<i>Unkapan.</i>	88.
ایا صوفیہ	<i>Aia Sophia.</i>	87.
ایوانساری	<i>Ivanseri.</i>	86.
ایوب سلطان	<i>Ejub Sultan.</i>	113
پدشاه سرای	<i>Padishah Serai</i>	8.
باعجہ	<i>Batchia.</i>	88.
بال قپان	<i>Balkapani</i>	88.
بالق بازار	<i>Baluk bazar.</i>	88.
پتری	<i>Petri.</i>	87.
بزاستان	<i>Bezesten.</i>	96.
بزه	<i>Bozzah.</i>	37.
بستانچی باشی	<i>Bostangi bashi.</i>	124
پکمز	<i>Pechmez</i>	37
بلاط	<i>Balat.</i>	87.
بکی	<i>Bei</i>	
بوغاز حصار	<i>Bogas hisar, proprié</i>	
	<i>guttur.</i>	71.
	<i>Giameler:</i>	

DE MORIBUS AC
INSTITUTIS TURCARUM
EPISTOLA.



N edendis illis epistolis,
quas rogatu Tuo, *Vir*
Insignissime, exarabam,
cum parum subsidii in
meam excusationem ab
industriâ, quâ pro viribus usus sim,
mihi reliquum foret derivandumque
videretur, honestum illud & homine
ingenuo dignum mentis haud ingratis
erga *Te* propositum, quod unice vo-
lebam, rudi licet & ineleganti pror-
sus stylo expressum, me tergiversan-
tem animique planè dubium, ut id
auderem, exstimulavit. Hoc augurium
& spem, quam inde conceperam, non
destituit eventus. Rescribis enim,
quod pro innato candore *Tuo*, quod
pro amore literarum, quod denique
pro ingenti affectu Tuo, quem tot
annorum spatio neutiquam imminu-
tum sentio, nimirum facis, *Tibi* hoc
quale

quale quale studium nonnihil placuisse. Nec obscure patet aliorum, qui conatus non minoris æstimant quam rem confectam, gratiam & benevolentiam novitate suâ conciliaffe; unde tantum abest, ut damnum, ut potius mihi hanc temeritatem gratulari officii mei esse penè ducam. Interim juvit me in portu fortasse plus æquo securum in fyrtes & scopulos insanosque fluctus retrospicere, nec mihi aliud magis in animo erat, quam de tuto receptu, obscuro licet, in futurum prospicere: cum ecce ad novos accersitus labores, in altum & infidum mare revehi, iterumque cum ventis luctari cogor. Quod cum pro autoritate Tuâ, quam in me habes, jubere possis, idem pro humanitate Tuâ, cui nihil opponere nec possim nec debeam, exoratum velis. Si ideo res malè cefferint, si obsequium hoc debitum in errores traxerint, si ab hoc ausu excidero, non mihi vitio vertendum erit, sed potius vices meas dolebunt omnes, qui, dum *Tibi, Tanto*

to *Viro*; cujus laudibus efferendis longè impar videtur fama, placere, dum alios demereri cupiam, jacturam famæ tam libenter passutus sim.

Quam dirissimis vicissitudinibus humana vita sit obnoxia, quantisque malis distrahi & penè invita protendi possit; nullibi magis quam in *Turcarum* ditioribus apparere ex flebili Captivorum; quibus hæc infelix fors obtigerit, statu, cuius facile constabit. Quid enim, miserius vel fingi possit; quid in universâ malorum; quibus intercludimur; serie & circumplexu magis dolendum ac tristius videbitur; quam in acerbissimam servitutem abripi; ac hostium barbarorum proterviæ subesse? Parum metuo, ne hæc animi teneritudo; quâ a natura afficior, mihi objiciatur; si dixerò, id mihi quam maxime doluisse; quando præsens adessem; nec quisquam, quantumvis forti animo, spectaculo adeo tristi ac horrido, nisi cor planè obduruisset, absque gemitibus interesse sustinuerit. Non alia certè merx

magis in usu est apud ipsos, quam *Christianorum*, quibus a *Tataris*, incurſionibus & bello, raptis, onustæ naves tempore æstivo, quo in *mari Euxino*, ipsis, artis nauticæ non admodum gnaris, aliàs adeo exitiali, tuto navigandū esse videtur, quod *Kara Deniz* i. e. *mare nigrum* nuncupant, *Constantinopolim* frequentes appellunt. Hæc urbs celeberrimū est mancipiorum emporium, ubi cito & pluris veniunt. Huc etiam ab extremis Imperii provinciis per terram beneficio *Caravanarum* deferuntur. *Tataros* autem, quibus felicior aut magis opima præda vix contigit, dum singuli rem suam adaugent, privatisque commodis inhiant, non minus hac ex parte publico inservire vel obtusioribus *Turcis* manifestum est. Hinc *Christianorum* vires, tot millibus subinde raptis, pessum ire; hinc novam ampliandi imperii spem adeo ingentibus incrementis & accessionibus succrescere læti augurantur. Pauci ex his patrios repetunt lares, at longe paucioribus

oribus suppetit constantia fidem
Christianam, quâ educati essent, re-
 tinendi, à quâ, vel minis territi,
 vel commodioris vitæ degendæ spe
 allekti; turpissimè deficiunt: in no-
 vos transeunt mores inque novam
 religionem, & patrii soli penitus obli-
 viscentes, ex advenis fiunt glebæ
Turcicae adscriptitii. Forum, quo
 quolibet die *Mercurii* ante meridiem,
 ad instar tot equorum, venum ex-
 ponuntur, peculiare inde nomen ha-
 bet *Tasir Basar*. Aream quadrangu-
 lam quinquaginta passuum occupat,
 quam ab omni latere circumcingunt
 cameræ, quibus affervantur. Quingen-
 tos *Mohammedi* immolandos simul pro-
 stare non sine horrore illic vidi. Pueri
 se modeste gerunt, & foeminæ acicu-
 lis suis artem & peritiam, si quam
 habent, ostentant, volentibus id do-
 minis, ut majoris vendantur pretii.
 In his; uti in aliis mercibus, pro-
 trudendis, quo facilius emptorem al-
 liciant, hoc quasi mangonio utentes,
 bene pastos & decoris vestibus or-

natos exponunt. Vix ferè quisquam est, nisi fortè qui extremâ laboret inopiâ, qui *Christianum* pecuniâ sibi non comparaverit. Horum operâ utuntur in quibuscunque vilissimis officiis subeundis. Hos elocant quandoque, exinde non parum emolumentum percipientes; summam in hos habent auctoritatem, nisi quod in illos ultimo supplicio animadvertere interdictum sit. Quicquid miseri lucrantur, Dominorum est. Nihil in proprios usus reservatur, a quibus pro lucro deputandum, si obsonia parata, si vestes, si quicquid vitæ sustentandæ par & necessarium videtur, illis suppetant. Quâ in re sibi magis quam ipsis consulunt, nec hoc quicquid est curæ humanitatî ullatenus adscribendum; utpote quorum eadem est de equis cæterisque animalibus cura ac sollicitudo, ut bene valeant vigeantque, cum illorum ægritudo & mors ipsis in ingens detrimentum planè cessuræ essent.

Bassus cæterosque Principes viros,
quibus

quibus tanta rerum copia contigit, fortunæ adeò prosperæ beneficio, dum licet, frui faciliè arbitraberis, sibi-que in tantâ rerum, quam vident horrentque simul, incertitudine placere. Magnificè sane, pro genio gentis, sese efferunt: ædium tamen pompam non quærunt, nitori non student, si amplæ sint, si usibus familiæ, quam alunt, pares & accommodæ, abundè contenti: idem ferè ipsis cum plebe communis cibus, non condimentis cæterisque gulæ irritamentis student inhiantque. Longè alia est magnificentia *Bassarum*. Militiæ addicti tam in propriam, quam in *Provinciæ*, cui præsumt, securitatem de provisionibus bellicis ac de copiâ armorum sibi maximè esse curæ censent, uti de equis alendis generosæ prosapiæ, quam longâ serie deducunt. Præcipua vero ipsis gloria est famulos vel bello captos vel ære coemptos alere. Horum accuratissimus fit delectus, solis juvenibus proceris, fortibus, & pulchrâ

indolē & specie in familiam admiffis. Horum largo comitatu fe maxime ostentant superbiuntque *Bassæ*. Quo spectaculo nescio quid jucundius aut gloriosius desiderari possit. Hinc e numero mancipiorum, quæ in censu bonorum reponuntur, dignitatis & opum amplitudo apud ipsos æstimatur.

Eâdem licentiâ in fœminis emercandis spurcissimus *Impostor* uti permittit, quas quisque libidinosus, prout rerum domesticarum rationes sinunt, accumulât; harum enim numerus non a lege sed a solo ipsius arbitrio dependet. Parum refert, cujus sint gentis, cujusve *Religionis*. In ipsas plenum jus disponendi ac iterum vendendi habent: quando harum tædet, in forum remittuntur, a novo domino possidendæ, ac ab alio ad alium quinquies aut sexies quandoq; transeunt.

Hâc ex parte *Judeorum* ingenium versipelle & astutum, quo quo modo, ubi lucrispes affulserit, sese inclinare

clinare facile perspexi, nec illos
ditescere remque suam augere vel
sub tyrannide *Turcicâ* mirandum est,
qui tot opes congerendi artibus in-
structissimi id solum agunt eique
unicè intendunt. Puellulas satis vili
pretio a *Turcis* redemptum eunt, in
quibus educandis multum studiû &
laboris ab iisdem impenditur: mores
pro tenerâ ipsarum ætate ad libitum
effingunt, de gestu, loquelâ, tota-
que vitæ ratione solliciti: ne decedat
pereatque pulchritudo malis cibis
aut morbo, sedulo cavetur: canere
& choreis saltare docentur, ne alias
artes, quæ ingenuas maximè dede-
cerent, memorem. Tandem cum
ad justam ætatem pervenerint, tanti
æstimantur, ut laboris, quem in-
sumpserint, pretium, a *Turcis* em-
ptoribus facile ferant. Hinc ex æ-
dibus *Judeorum* in *Gynæceum Impera-*
toris aut *Basarum* transeunt, (neque
enim privatorum est ipsas compara-
re) quæ memores, quantâ benignita-
te ipsas prosequerentur *Judei*, quo-
rum

rum alumnæ penè erant, & quorum curæ, licet proprium, non illarum, commodum respexerint, felix illa fors, ut ipsis videatur, accepta referri debet, mutua amoris & benevolentiae officia rependunt, & de ipsis quavis occasione, quæ non rarò accidit, mereri impendio student. Fœminis nulla propemodum elabendi via patet, in conclavibus occluduntur & semper domi manent, nisi fortè ad balneum, si ædibus suis defit, ire liceat, vel tempore æstivo in campis paululum spatiari, aut in cymbâ in *Bosporo Thracico* vehi aut fretum transire indulgentum sit: sed ne solæ eant, (præcipuè si cujusquam viri divitis sint) comitem vel potius custodem habent. *Eunuchum nigrum*, qui earum curam agit, ne quid ab ipsis fiat, quod zelotypo domino bilem aut suspicionem commoveat. Facile autem *Turcicis* moribus assuefiunt, nec rarò conditionem, omni patriæ, amicorum, ac religionis sensu exuto, sibi gratulantur, neque eam volunt im-

mutatam. Homines fortasse furor crudelium dominorum penè ad desperationem cogit, & mortem præservitute petunt, dum vitâ chariorem libertatem habent, nec pericula curant, dum de patriâ repetendâ cogitant. Incassum cedit plurimis hic conatus, in sylvis tantisperdum delitescunt, donec fames in publicas vias redire cogit. Palabundos *Turcæ* arripiunt in proprios usus, vel patronis restituendos curant, cum syngrapha libertatis recuperandæ illis non suppetat. Intercipiuntur, revocantur, longè graviora passuri; elapsum mancipium illico investigatum eunt; ad pontes, ubi necessario transeundum est, quasi excubias agunt, & alios de fugitivis retinendis monent. Memini quosdam *Turcas*, ponti fluminis *Caystri*, quod non aliter trajiciendum esset ob aquarum profunditatem, asfidentes, nos, quos ejusdem gentis & religionis cum ipsis opinarentur, rogasse, ut si forte fortuna in itinere quædam mancipia antevertisse contingerit

gerit, ea coram Judice proximo fi-
flenda curaremus. Quandoque ta-
men (licet perrarò) etiamfi tanta
ab avidissimis dominis, ne aufugiant,
adhibeatur cura, sese ab ipsorum ma-
nibus surripiunt, & ope *Christianorum*,
præsertim *occidentalium*, elabun-
tur.

Quanto cum periculo duo, quos
noveram, effugerint, quamque insigni
providentia libertatem demum nacti
fuerint, brevissimè enarrabo. Puer
gente *Russus*, duodecim circiter anno-
rum, verberibus à domino male mul-
tatus, & ad tam diram servitutem,
quam servivit, planè inhorrescens,
arreptâ oportunitate vespere do-
mum evasit. Extra urbem pernix
evolavit, nescius, quo evadendum
esset; forte ad vicum *Christianis* inco-
lis refertum uno milliarià *Pera* re-
ctâ tendebat; huc illuc palat, tanquam
peregrinus; vel illic manere aut pro-
gredi metuens pariter. Quod animad-
vertens unus ex *Interpretibus* nostris,
qui negotiorum causâ se illic tunc
temporis

temporis contulisset, qualisnam esset, sciscitatus est. Illicò *Christianum* se esse, & à crudeli Patrono aufugisse fatetur, ipsius opem & misericordiam obtestando obnixissimè. Promisit ille bonus vir, se aliquid pro libertate ejus ausurum. Ingravéscentibus tenebris, puerum secum ad ædes D. *Legati* tulit, & fugæ historiam narrat. Iste autem vestes *Christianas* induit, galericulo capiti imposito; alter a se videtur, & in numerum famulorum recipitur: postquam *Anglicè* loqui cœperit, securus plateas transit, ne ipsi quidem Patrono suo, si occurrisset, cognoscendus, ac si nobiscum ex *Anglia* advenisset. Qui laxiori sunt in custodiâ, ope navium, quæ portus *Turcicos* appellant, aliquando aufugiunt. Huic oportunitati *abesse* nolunt aliqui, licet periculum, quod subeundum est, quemlibet, nisi plane de vitâ desperantem, absterret. Paucis diebus, antequam è sinu *Smyrnenfi* solveremus, media ferè nocte flebilem vocem cujusdam in mari

mari audientes nautæ , ad latera navis citissimè accurrebant, tanto fletu & gemitu attoniri. Juvenem vident penè viribus confectum, fundum maris petiturum, ni suppetias tulissent. Navis nostra tum aberat a litore , spatio leucæ extra propugnaculum , & ab urbe quatuordecim : noctu elapsus, tacitus legebat litora; donec ventum esset ad locum oppositum (favebat audaci periculo tranquillum mare & nox illustris stellisque lucida) ut navem semper præ oculis haberet. Exteriori veste relicta, ne inter nandum impedimento esset, se aquæ commisit; latus recipitur in navem; sed nescio an ipsius lætitia, an nautarum; qui ipsum penè in extremis fatiscentem sustulerant, maior esset: novis vestibus induitur; sed quò securius procedatur , in navem *Belgicam* bellicam mittendum curavimus, ne *Turcæ* naves nostras in orbem *Christianum* abituras exploratum venirent; & hoc prætextu, si apud nos illum reperissent; nobis & mercatoribus molesti-

am facerent. Post quatrimum,
cum nec ille nec nos amplius pericli-
taremur, juvenem, qui etiam genere
Russus erat, repetimus, & in *Angliam*
tandem perduximus.

Horum plerique, ut in se tristem
ac duram servitutem subeunt, felices
videntur præ cæteris, qui ad triremes
damnati, remis perpetuò incumbunt;
sedibus suis catenis alligantur, cælo
pluvio & fulmine ac tonitribus gra-
vido ipsis illic manendum est; nullum
sub tabulatis refugium est, sola spes
relinquitur, turbidum mare tandem
deservitum, & tempestates pro-
cellosas, vaporibus absumptis, ex-
spiraturas esse. A necessitate, cui sub-
esse tristi fato coguntur, patientiam
sumunt. Quantum amorem vitæ,
quale desiderium, quam ingens,
quam acere ipsius prorogandæ singulis
inseverit natura, hinc argumentum,
quo vix aliud clarius reperiri pote-
rit, sumendum erit. Quis enim la-
bores non nisi cum vita exhaurien-
dos sustinuerit? quis penè, dum fla-
gris

gris cæditur, ad desperationem non adigeretur? quis non vitam pro pœna, mortem poneret pro lucro? sed nec his mors adeò exoptanda videtur, catenis longè gravior est, ad nomen ipsius pallent ac exhorrescunt; ad vitam non minus quam ad libertatem anhelantes. Quotquot infelici sorte belli capti sunt, mancipia *Imperatoris* fiunt; in triremes traduntur, nullo pretio, nullâ prece redimendi, nisi fortè quando legatus aliquis *Christianus*, post initum cum ipsis pacis & amicitiae fœdus, potenter intercedit; nec hujusmodi intercessio semper valet, ni in partem fœderis venit: Indecorum arbitrantur ipsos pecuniis numeratis dimittere; ex horum lutris fiscus *Imperatoris* vix ditior futurus esset, & præ fastu respuunt quicquid nummorum oblatum est. Consensendum est in triremibus & ergastulis, nisi in alto mari a *Meletensibus*, prælio commisso, eripiantur, aut inexpectato casu triremibus ac navibus in terram subductis, quod rarissimè.

rarissimè contingit, ope *Christianorum* aufugiant. Ampla area est trans *Constantinopolim*, quâ sæviante hieme occluduntur. *Turcæ* præ foribus excubias agunt, altis muris munitur carcer. Nec tamen se satis cavisse de illorum custodiâ credunt, compedibus in ipsos coniectis, quæ cruciant & simul gravant interincedendum: quorum quisque socium miseræ sibi alligatum habet. Huc sæpe me contuli, prout officii ratio exigebat, cõterraneos meos inviendi gratiâ, qui cuidam *Græco* piraticam in mari *Mediterraneo* exercenti, & *Turcas*, quos pessimè ode-
rat, malè mulctanti operam suam elo-
cantes, tandem ipsis in prædam ces-
sere, tum ad ipsos monendum de re-
ligionis *Christiane* officiis, ut vitam
sobriè & piè instituant, ut captivi-
tatem strenuè ferant, ut totam spem
in *Christo Salvatore* reponant, ut de-
nique animarum saluti consulentes
fidem *Christi* ad mortem usque inter

Turcarum insultus & minas constantissimè retineant, tum ad inopiam illorum sublevandam vestibus, aliisque, quibus indigebant; ac pecuniis, quibus edulia emerent, datis. *Turcæ* enim panem atrum & aquam abundè ad vitam sustentandam sufficere arbitrantur, nec aliud quicquam, nisi perrarò, ab ipsis suppeditatum est. Hi sunt vilioris conditionis, nautæ ac milites gregarii.

Quotquot vel navarchæ vel in castris *Christianis* militantes ductores erant, in magnifico quodam carcere in extremo urbis *Constantipolitaneæ* versus *Propontidem* angulo sito, qui *Jedi Kola*. i. e. *septem turrium*, a numero totidem turrium illic exstructarum dictus est, asservantur. Hos tanquam trophæa victoriarum ostentant, horum perpetua servitute se ob tot millium, qui in bello periêrunt, jacturam solantur. Horum *singulis* quindecim *Aspros* in diem *Imperator* pro regiâ suâ liberalitate impertit, sed

sed cum sint plerique è nobili prosapia oriundi, amicis adjuti, habent quo benè vivant: non tamen tantillum illud pro victu quotidiano, quod ex ærario *Turcico* ipsis suppeditatur, cujus ferè trientem avidissimus *Præfectus* sibi deposcit, spernendum est. Hunc quoque carcerem sæpissime conveni, a quibusdam *Nobilibus* bello *Cretico & Hungarico* captis, qui *Reformatam Religionem a Romanensium* corruptelis purgatam profitebantur, invitatus, ad ipsis divina mysteria communicandum. Facile admissus eram, neminem repulerunt *Turcæ*, quo minùs colloquium inire ac conversari cum ipsis possent. Huc illuc cursitare licuit, modò non extra limites egredierentur, quos transilire penè nefas erat. Mutuis congressibus tam longæ servitutis tædium fefellerunt: etiam in horto, quem *Nobili Veneto*, viro fortissimo, elocaverat propugnaculi *Præfectus*, spatium permixtum erat. Nihil ipsis defuit, præter libertatem,

cujus jacturam minus ægrè tulerunt ; tantisper dum his vitæ commodis fruerentur. Custodia erat planè libera, & suam feritatem & sævitiam dedidicisse videbantur *Turcæ*, qui jure belli quidlibet, licet humanitatis juri planè adversum sit, ipsis licere autumant. Postquam verò *nobilis* quidam *Gallus* in numero *Equitum Melitensium* recensitus, ante biennium & quod excurrit evasisset, ferociore facti in cæteros infandâ barbarie & sævitâ animadvertentes, his captivitatis delinimentis frui amplius non sinunt. Illius fugam qui supererant miserè luunt, in gurgustia citra omnem ætatis & dignitatum, quas olim gessere, rationem detrusi, a quibus invisendis quilibet *Christianus* arcetur: nec hic se stitit *Turcicus* furor ; quo magis de iis retinendis fiant securi, eos compedibus gravant non sine ingenti verborum insolentiâ, quæ cuiuslibet ingenuo morte gravior est, & supra humanam patientiam, ni *divina gratia* adsit.

De

De cæteris mancipiis, quæ privatorum peculium fiunt, modò pretium justum offeratur, redimendis non est eadem difficultas. Hic tamen cum avarissimis eorum dominis ingenio utendum est; affectus *Christianorum* erga contrerraneos suos sub tam crudeli servitute ingemiscences, ne nimius videretur, coram suppressi debet; augetur enim pretium ex charitate, quam erga illos præ se impotenti animo ferunt, & quò magis procurandæ ipsorum libertatis studium innouerit, in iisdem dimittendis se difficiliore præbuere. Quæres fortasse; unde in *Anglos* aliosque adeò crudeliter sævitum sit, quibuscum foedus pacis & commercii per tot annos intercesserit? De *capitulationibus*, quibus de vitâ & opibus mercatorum aliorumque, qui has regiones invisunt, cautum est, postea dicendum erit: in præsentî sufficit rationem, quam paulo supra innui, explicationem reddere. Ex istis nautis aliqui, nescio quibus.

illecebris aut qua spe prædæ ducti, navibus *mercatoris* turpiter desertis, sub alienis vexillis, puta *Venetorum* aut *Melitenſium* stipendia meruêre. Aliqui *Piratis* (quos non tam zelus religionis & odium *superſtitionis* *Mohammedicæ*, quam lucri & ſpoliorum ſpes & amor armavit) operam elocarunt. Nec malè plerumque ſuccedit tanta audacia: hinc naves *Alexandrinæ* opulentiſ mercibus onuſtas, cum prælio ineundo prorfus impares ſint, inter *Cyclades* & *Sporades* maris *Ægæi*, omni fugâ illis præreptâ, rapiunt occupantque. Illinc in litus exſcenſionem facientes, *Turcas* incautos & penè dormitantes opprimunt, licet tantis cladibus è veterno expergefacti, de oris maritimis muniendis jam tandem ſeriò cogitent. His lætiſſimis auguriis elati, victoriam ſibi in quolibet conflictu ſpondentes, extrema malorum procari & ambitioſius petere videntur. Non omni tempore feliciter pugnatum eſt: Quis enim illud

illud speret? nec id fata bellorum
 sinunt. Omnes, quotquot in manus
Turcarum incidunt, eadem infelix fors
 manet; modò *Anglus*, modò *Gallus*,
 nullo discrimine habentur, nec ip-
 sis magis favent quam cæteris. Memi-
 ni me, dum *Smyrnæ* agerem, *Capitane-*
um Bassam, *Consuli* nostro pro capti-
 vis quibusdam *Anglis* supplicanti, cum
 ipsum in triremi sua *Prætoria* honoris
 gratia inviseret, audivisse ita respon-
 dentem, sibi a *Domino* suo imperatum
 esse, ut nautas, cujuscunque essent
 gentis, qui hostibus suis suppetias tu-
 lerint, pro meritis tanti sceleris gra-
 vissimè discruciarer; ipsis imputan-
 dum esse, quod in hanc captivitatem
 sponte ruerint; id illis jure belli lice-
 re, proque talibus, qui longè majora
 supplicia meriti fuissent, minimè sup-
 plicandum esse. *Bassæ* & *Beii* insulis,
 quæ huc illuc scatent & quasi ex a-
 quis emergunt, præficiuntur hæc con-
 ditione, ut triremibus classem *Turci-*
cam singulis æstivis expeditionibus

adaugeant: pro ratione vero redituum, quos colligunt, triremes numerantur. In his armandis ne unicum quidem asprum suppeditat fiscus *Imperatorius*. Illorum est cibos, mancipia, tormenta, cæterosque bellicos apparatus comparare. Si quam verò hostilem navim proprio Marte, dum a classe sejuncti & dimissi sint, occupent, vel si quis fortè in litoribus suæ ditionis naufragium patiat, ipsis in prædam cedit. Quod tamen rarò accidit, nec numerus iste bello captorum sufficit, Alios ergo ære suo emunt, quos, prout commodum videtur, vicissim vendunt. Cum horum aliquibus de captivis liberandis pacisci quandoque licuit. Hic tum conscientiæ meæ, tum famæ D. *Legati* & *mercatorum* injurius essem, si tacerem, cum id probè nossent, quanto affectu, quam abundè ipsorum necessitatibus subvenerint, & quam largos in iisdem redimendis profuderint nummos: dum se *Christianos*, dum se *Anglos*

Anglos meminerint, nullis sumptibus pepercerunt, si modo sumptibus res expedienda esset, hac ex parte *Religioni* ac *genti* suæ optimè consulentes. Non minoris veneunt quam quinquaginta libris *Anglicanis*, interdum longè pluris. Quendam e nostris redemptum quam maxime cupiebamus, ingenti pretio oblato, quod planè rejectum erat, nec, si duplicaretur, suffecisset. Ille enim, quod postea cognovimus, carbasis conficiendis & resarciendis operam dabat ipsis adeo utilem ac necessariam, ut nullâ pecuniâ pensanda censeretur. Sed ars, quæ ipsi omnem libertatis spem præcluserat, tantam apud ipsos gratiam conciliavit, ut hac sorte penè felix esse videretur & solo nomine captivus. Alios fastus & peculiare odium tum *religionis Christianæ* tum *gentis* nostræ adeò obstinatos reddidère, ut nullis machinis pecuniariis submoveri aut flecti potuerint. Hanc intemperiem, hosque malos affectus

affectus *Bassæ Rhodensis* menti infide-
 re experiebamur, cujus exemplo de-
 siderium vindictæ ex animis *Turcarum*
 nunquam erui posse, & non nisi cum
 vitâ cessaturum clariùs liquebit. Ip-
 sius pater, triremium *Turcicarum*
 præfectus, postquam insulas oramq;
Graciæ maritimam lustrasset, tan-
 dem se in sinum *Eubæensem*, qui
Bæotie versus *Septentrionem* objacet,
 (hodie *Golfo di volo*) cum classe re-
 cepit; illic quamprimum duas *An-*
glicas naves anchoris stantes vidisset,
 suspicatus illas frumenti gratia, quod
 a legibus *Imperialibus*, ne in *Christia-*
num orbem deferretur, severissimè
 vetitum erat, appulisse, spe & animo
 opimam prædam, quæ oculis obver-
 sabatur, deglutivit. In istiusmodi enim
 angustiis, quibus pro diversâ pugnan-
 di ratione naves circumagendi præ-
 syrtibus ac vadis nullâ dabatur, nec
 dari poterat oportunitas, facilem spo-
 spondit victoriam: nulla nostris fugæ
 vel salutis vel victoriæ spes relinque-
 batur,

batur; certissimum mortis aut servitutis periculum illis imminebat. Postulavit illè fastuosè, ut se dederent, aliter extrema mala expectanda esse. Non diu deliberandum erat. Vires, quas inopinatus hic & infelicissimus casus sustulerat, a desperatione repetunt recolliguntque, & efferatiores facti, ineunt pugnam. Utrunque pugnatur quam atrocissime, ab his ob vindictam, ab illis ob prædam. Tantis copiis oppressi, nostritandem succumbunt, at non inulti. Confertim cecidere *Turcæ*, inter quos *Præfectus* iste sclopeto confossus periit. Hinc efferum illud filii erga gentem nostram odium; hinc avidissima vindictæ sitis. Ille enim paternum fatum, quod ante quadraginta annos ipsi evenerat, in memoriam revocans, dum adhuc de ulciscenda ipsius morte meditatur, *Anglos*, quotquot reperiri possint, vel vi vel pecunia occupare conatur. In hos severe animadvertit, in hos triumphos agit quotidianos crudelissimus

mus vir, quasi parentis manibus hoc modo litaturus. Decem, ni fallor, è nostratibus habet, nullis precibus, nullo pretio dimittendos. Hunc frustra tentavimus, quem licet aliàs pecuniæ avarissimum, inexorabilem comperimus, utpote vindictæ proniorem. Sed de Mancipiis hætenus.

Cum sub oculis habuerit *Impostor Mohammedes*, quantum vires nimius vini usus exhaurirèt, & quam malè *Christianorum* exercitus, quorum disciplinam militarem luxaverat, ab intemperantiâ multarentur, quam denique sanguineæ lites orirentur inter compotandum, id sequacibus suis, quos bello & armis destinaverat, penitus interdixit. Vastro huic invento vim & auctoritatem conciliavit superstitio, quâ genti credulæ facile persuasum fuerit, illud unâ cum cæteris legis *Muslimicæ* institutis de cœlo in ipsius mentem illapsum esse. Sed quanto nisu in vetitum ruat gens humana,

humana, *Turcæ* hac in re clarissimum faciunt indicium: cum tot elogia ipsorum, quasi plane abstemii essent, apud scriptores existent, illos a vino abhorruisse, ebrietatemque crimen inauditum illic fuisse, ac solis *Græcis* imputandum, quispiam facile crediderit: sed diu est, ex quo ab hac laude exciderint; luxus totam gentem ferè inundavit, exceptis fortè quibusdam *sénibus & sacerdotibus*, a quorum ætate, moribus, & vitæ professione hoc vitium alienum videtur. Nemo beneficium *Turcis*, quod acceptius foret, conferre, aut ipsos magis demereri poterit, quam si dederit vinum. Hoc petunt, hoc strenuè potant; mirantur a nobis aquam inter bibendum vino attemperatam; quod tali mixturâ nolunt jugulandum: nec moderatis haustibus contenti, se in poculis ingurgitant profusissimè. Labes hæc undiquaque sensim obrepfit; ci-
ves & milites pariter rei: nec ipse
Vizirius,

Vixirius primarius immunis. Postquam enim expugnatâ *Candiâ* vinum semel degustâffet, qualem saporem, suavem an amarum, habuerit antea, prorsus nescius, tanto affectu id prosequitur, ut *Prophetam* suum obrei palato adeo gratæ & sanitati corporis mentisque hilaritati conducibilis interdictum penè damnet. Doluit hoc rigidis & superstitiosis *Mohammedicæ* fidei cultoribus & vindicibus; clamitant & tonant de rostris, de religione & imperio jam actum esse, rem nefandam quotidie admissam esse, & penè inexpiabilem. At non movit horum zelus *Fanizarios* cum *Vixirio* à *Creta* reduces. Tandem pro concione, quam habuit in natali *Mohammedis*, *Imperatorem* sui officii monuit *Sacerdos* quidam *Vani Ephendi*, eruditionis, pietatis, & eloquentiæ famâ apud ipsos longè insignissimus, rixas & concertationes militum penè sub ipsius conspectu hoc liquore diabolico diffusentium memorat, hanc rem esse pessimi

simi ominis, & omnia exinde in pejus ruitura, tantis flagitiis *Deum* & *Mohammedem* excalescere; denique sacrosanctæ religioni certam perniciem impendere spissâ & tragicâ oratione exaggerat: orat, obsecrat, obnixissimè, maximâ vocis & animi intentione hortatur de remediis adhibendis. Pergit, & illum *Paradisum* nunquam ingressurum obnunciat, æternâque supplicia ipsi intentat minaturque, nisi hoc gravissimum scandalum quam citissimè curet amovendum. *Imperator* tum agebat *Adrianopoli*; illicò œnopolia *Græcorum* funditus diruenda, ac vinum effundendum, tanti sceleris ac tantarum litium causam, primò mandat; mox cursores per totum *imperium* missi *Imperiale* mandatum de interdicens vinum usu ubivis promulgarunt. Animum, dum hæc scribo, subit quantâ cum animi consternatione nuncium illud *Græci Constantinopolitani* exceperint; quasi afflatu quodam pestilentiali percussi;

perculsi, gēunt, plorant, penē desperant, discūrritur, sed frustra; jubet *Imperator*, cui parendum est. Cellas ipsorum vinarias ingrediuntur *Turcæ*, vasāque effringunt, quos tamen celeritate ac diligentia suā aliqui antevertunt, ne in præstando obsequio nimium segnes videantur. Universos complectitur decretum illud; *Græcis*, *Armēnis*, *Judæis*, non minus quam ipsis *Turcis* in posterum a vino abstinendum esse. *Turcæ* pro genio, qui ipsis insitus videtur, extremis gaudent, quibus, præposteris consiliis rei, quam effectam cupiunt, intentis, quam futura damnosa sit, minimè curæ est. Quicquid agunt, tanto cum impetu tamque incitatè actum est, ut vix clementiæ & æquitatis aliqua ratio habeatur. Quo major vis & auctoritas huic decreto constet, ne quis contra eat, severissimis pœnis cavetur; harum metu magis quam religionis sensu coerciti, à vino, ne anhelitus exspirans, si forte

fortè coram *Judicibus* aliisque, quibus illud exequi commissum erat, fistantur, vel si ipsis occurrant, ipsos prodat, planè abstinēt. *Græci* & *Armeni* non item, qui temeritatis suæ pœnas luunt. Quosdam enim benè potos tum linguâ tum pedibus titubantes in plateis abreptos & ad triremes damnatos novi. Interpretes nostri, quotiescunque officii ratio postulavit, ædes *Gubernatoris Constantinopolitani* non nisi jejuni adibant; grande enim nefas esset, si in ora *Bassæ* tetròs vapores afflâsse quispiam auderet. Interim *Christianos Legatos* cura tetigit, ne ipsi familiæque ipsorum, *Autumno* insequente cessantibus vindemiis, his etiam incommodis premerentur. *Græci* præ desperatione à vineis colendis destiterunt: neque operæ pretium videbatur ob solas uvas, quæ vilissimo pretio veneunt (nec aliter eorum copia finit) tantum temporis impendere, & metuendum erat, ne pro-

fervi portitores vetarent; quo minus vasa vinaria e navibus *Christianis* ad ipsorum palatia deferrentur. Aliquos ex his *Judicibus* zelus stimulavit, aliquos mentis perversitas & obstinatio, aliquos avaritia. Hoc prætextu *Judex Hierosolymitanus Religiosis Christianis*, qui sacra illa loca incolunt, in *missis* celebrandis usum vini interdixit, nimirum ad extorquendam ab illis pecuniam. Hoc enim unicè voluit nequissimus Nebulo, qui non aliter pacandus erat. Quid ergo in tantâ rerum perplexitate agendum? Interpretes, quorum ope in rebus suis procurandis utuntur, ad *Vizirium* a *Legatis* confestim mittuntur, qui ipsi referrent, hoc iniquissimum fore, si in ipsos ita decerneretur; *Turcicis* liquoribus & aquæ se non nisi maximo valetudinis detrimento assuescere posse; & hoc, ne commodis vitæ fraudarentur, pro jure gentium iis deberi: Re perpensâ, æquum postulatum censebatur: ideo
ipsis,

ipsis, sed solis, indultum est privilegium in proprios usus vinum conficiendi. Ad alios quoscunque suæ ditionis, qui commercii exercendi causâ puta *Smyrnæ*, &c. degerent, id extendi deberi postulant. Hærent *Bassæ*, & vim legis evanidam fore, nec finem propositum fortituram, si concederetur, obstinatè regerunt. Impetrandi quod petatum erat spes nulla relicta videbatur. Interpretes noster rem usq; & usque proponit, urgetque fortius, novo auctoramento adjutus. De die in diem res delata est, tandem post longas moras (quatuor enim menses effluxerant) pervicaciâ ipsorum continuis efflagitationibus lassatâ ac victâ, assensere.

Interim *Græci* sua fata lugent, quibus hoc vitæ delinimentum non amplius suppetit, quorum tamen aliqui in privatis ædibus uvas in torcularibus premunt, conniventibus *Judicibus* pecuniâ, quæ hic omnia potest, corruptis & emollitis. In hoc decreto.

interdictus quoque erat *liquorum stitlatitiorum* potus. His enim non minus laxè indulserunt *Turcae*, quemlibet, qui vel stomacho calorem indat, vel palatum titillatione aliquâ afficiat, avidè exhaurientes. Nemo apud illos reperitur artis *Chymicæ* peritus; in istiusmodi processibus formandis nemo versatur. Nec *Græci* hâc ex parte expeditiores, exstillant equidem, sed modo adeo rudi & ineleganti, cum non minus vasis ad id accuratè exequendum aptis, quam regulis artis destituantur, ut liquores coxisse potius quam spirituosas & puriores ipsorum partes a crassioribus & fæculentis separasse videantur. Qui magis in usu est apud ipsos, *Rac* vel *Racke* appellatur; quod nomen ad *Indos* usque diffusum est.

Cum vero huic nostros tantâ curâ ac tanto sumptu ex aromatibus aliisque rebus calidis & pretiosis secretos antecellere sensus judicaverit, facile senties gentem brutam, quæ
sensum,

sensum, si non ut unicum, saltem ut vitæ ducem præcipuum sequendum statuit, in illos effræni appetitu ruerè, cui non aliter satisfieri credunt; cum detur copia, nisi fœdissimum in modum gravi excessu obruatur. Si quis integer & mentis compos à tali computatione discedat, illud non virtuti, non voluntati, non affectibus, quos moderari ne vix quidem possunt, sed forti cerebro imputandum.

Habent etiam alios liquores sibi magis peculiare, quos tantum nominabo. *Bozza*, ex milio, *Dareb*, confectum, *Hushaf* e racemorum coctorum & mellis admixtione, *Palifsee*, ex aqua, melle, & ovis, *Pecmez* sirupum ex uvis saccharo conditis. His assuescit sola infima plebs ob pretii vilitatem: ditiores, furentibus anni æstibus, ad sitim extinguendam confectio, jam apud nos notissimâ, quam *Sherbet* appellant, utuntur.

Hic de *opio* (*Oſiun Turcicè*) cujus
 ufus apud *Turcas* celebratiſſimus eſt,
 oportunitate erit pauca diſſerere, ne-
 que enim in deſcribendo hoc ſucco
 quomodo compreſſione facta fluat a
 papaverum ſeminibus te morabor.
 Quod adeo accuratè exequitur *Bello-
 nius*, ut nihil habeam quod ipſi addam.
 Solum in præſenti enarrabo, quomo-
 do afficiat corpus, qualesque muta-
 tiones inducat. Quod inſigne *Turca-
 rum* veſaniæ argumentum ſuppedita-
 bit, qui breviculæ delectationis in-
 tititu ſanitatē corrumpunt vitæque
 inſidiantur. Deglutitione factâ (ne-
 que enim unquam id manſum eſt) &
 ſtomacho ſuis partibus fungente, vi-
 res, quas habet, ſentit cerebrum;
 ſpiritus effero motu agitantur; inde
 oritur vertigo & penè delirium;
 incefſus primùm inconfans, inſtar
 inſanientium ebriorumque, ita ut ne-
 que lingua nec pes nec mens ſibi con-
 ſtent, officiūque ſuum præſtent.
 Sibi interea mirificè placent, mille
 rerum .

rerum species facultatem imaginatricem subeunt, quibus delectantur; adeo parvo pretio ipsis acquiritur voluptas, quam delicati cibi & liquores longè pluris empti vix dabunt; effectus saltem iidem videntur, nisi quod vino in cerebrum longè violentius operetur concretus hic liquor: solum in hunc finem id ab aliquibus ori ingestum est; neque enim viles animæ aliis voluptatis, quam quæ ex hoc præternaturali statu corporis oritur, capaces sunt, neque aliam magis cupiunt: ab aliquibus, ut in exercendâ venere, cui id non parùm conducere experiuntur, se magis strenuè gerant: Aliqui pilulas ejusdem vorant, cui æquè ac doctrinæ de fato cæterisque incentivis in prioribus epistolis a me enumeratis audax & penè desperata fortitudo videtur adscribenda: Aliqui denique, ut seipsos a frigore aliisque hiemis violentiis magis muniant, & expediendis longis itineribus paratiores fiant.

Tanta enim vis huic pharmaco inest, ut tantisper dum illa duret, penè sensationis expertes sint. Hoc viatico instructi nuncii, quorum plerique sunt *Arabes*, cum literis a *D. Legato* & mercatoribus *Constantinopoli Smyrnam* subinde huc illuc missi, mira facilitate & celeritate iter illud conficiunt. Interapedo harum urbium ferè est tercentum miliarium, (*Propontide*, quæ necessario trajicienda est, & ob viæ compendium, interpositâ) quam pedibus metiuntur octiduo, nisi ob pluviam & lutum & aquarum inundationes transitus reddatur difficilior. Rem optima fide peragunt, in tribum quasi coacti; his enim præficitur quispiam melioris notæ, qui eos regere & ad varias *Imperii* provincias, prout ratio negotiorum exigit, ablegare solet. Cum dixi eos, hoc toxico sumpto, stupidos & penè insensibiles fieri, de impressionibus aeriis id dictum esse memineras; se rectâ viâ incedere, licet mente

mente emoti, & in anfractibus & divisionibus viarum, quali semitâ iter fit prosequendum, norunt; defessi quiescunt sed parcè admodum, & penè supra fidem: soporem, quem aliter superinduceret, primo impetu, discutiunt continuâ corporis agitatione, modico somno contenti, non strato corpore jacentes, sed more recumbentium, genibus usque ad ventrem, ut exindè calefiat, collectis. Quantitas varia est pro vario cujusque temperamento. Quod ordinariè a quibusdam sumitur & quasi in quotidianum alimentum, æquat pisi magnitudinem; duplum ipsius fortiores desiderabunt stomachi, quod ab iisdem concoqui posse aliquis miraretur, nisi venena etiam peculiari corporis constitutione, quam vel natura dedit vel longus usus firmavit, in succos alimentosos olim abiisse certò constitisset. Quantilla pars ejus nostros oculos longo sopore coustringeret non nisi extremo die aperiendos! quod usus familiaris

liaris quibusdam penè ad vitam necessarium reddidit, ut ne per unicum quidem diem abstinere possent. Exitum! spiritus accensi, post violentum & præcipitem motum ipsis ab hisce venenatis particulis impactum, tota vi absumpta, subsidunt, flaccescuntq; & torpidiores fiunt, aspectus teter & luridus, & nihil nisi horridum præ se ferens, manus tremulæ, cæteraque vitia senectutis longè ante senectutis tempora, inertes & stupidi, nec inter homines vivos, sed automata penè numerandi. Nescio quibus experimentis veritas rei constet, at certum est, eos, qui paulò cautius agunt, sumpto opio, a potu aquæ frigidæ, modico saltem tempore, abstinere. Credunt nimirum mortem certò, licet sensim & sine agonibus, exinde secuturam. Hic unicus est opii apud ipsos usus, quod crudum devorant, nescientes, quanti foret usus, si in medicinâ noxiæ qualitates debitâ attemperatione corrigerentur.

Institu-

Institutum illud, quo à vescendâ carne porcinâ arcentur, tantâ cum animi firmitate tantâque diligentia à singulis adhuc colitur, ut qui id diminutum velit, pro sacrilego & scelerato habendus sit; inde ex contactu se pollui, sordesque in animam derivari credunt. Hanc opinionem superstitiosam, quæ altas in ipsorum mentibus radices egerit, longa ætas adeò firmavit, ut nunquam evellenda videatur. Pueri ab ipsâ infantiâ, quamprimum disciplinæ capaces fiunt, & rebus addiscendis attendunt, eam & *Christianos*, quos infami *porcorum* nomine dehonestant, simul execrari jubentur. Inde cum annis crescit odium, non minis, non invitationibus, non ipsâ fame amovendum: Vitam tali flagitio protractam indignantur; quod si quis admisèrit, *Islamismum* censebitur ejurasse. Quidam ad conspectum ejus inhorrescunt, deinde horror, quem primo conceperant, in bilem & iram vertitur;

titur; væ igitur *porcis*, si fortè armatis militibus occurrant, cum quibus confligunt tanquam cum atrocissimis hostibus. Quorundam nares offendit nidor, ac si pestilentialle quoddâ miasma exhalâset. Cavendum est *Christianis*, ne mensæ, cui accumbit *Turca*, tam ferale & horridum ferculum inferatur; nemo, si vel tantillo religionis sensu imbutus sit, id patitur: excandescit, fugit è triclinio, inque alium secessum se recipit. Quod cuidam seni in ædibus mercatoris *Angli Galatæ* præsidenti dum adesset, accidisse memini. Cum enim coquus, talem convivam nobiscum assedissem, planè nescius, ferculum illud tandem apponendum curâset, ille carnem immundam esse suspicatus, qualisnam esset interrogavit, quo cognito (neque enim res amplius dissimulanda foret) surgit quasi attonitus, vagantibus oculis omnia circumspiciens, cisternam videt, ejus epistomio verso, aquâ infusâ manus, os, nares purgat,

gat ; nobis præ ira & celeritate prorsus insalutatis . *Græci*, qui vicôs seorsim à *Turcis* incolunt, non tam in proprios, qaam *Christianorum occidentaliû* usus, porcos alunt. Id non sine pecuniis numeratis ab ipsis impetratur . Mòs quoque obtinuit, ut quo securius agatur, in iis comparandis syngrapham *Gubernatoris* sigillo munitam procurent *Legatorum* interptetes; (quodlibet autem postulatum vel æquissimum apud hos barbaros illico *petitio Arx* nuncupatur) hoc fit singulis annis, ingruente brumâ. Ne vero horum animalium conspectu oculos malè se habere, ipsosque impuris halitibus inquinari querantur, subulcis cum grege extra urbes in campis manendum est, usque dum nox suis tenebris omnia occuluerit; appetente enim vesperâ se recipiunt *Turcæ*, singuli in suas ædes festinantes, nec in plateis noctu spatari vel licet vel iuvat, quo pacto tum ab offensâ, tum a tumultu caveri solet.

Nondum

Nondum invasit *Turcicam* gentem ciborum luxuries: desunt illic artes culinariæ; frustra quæras condimenta, quæ gulam irritent, præter piper & cepas; raro piscibus aut avibus vescuntur, nec deliciis carniûm student. Ovillam subinde in frustra dissecant, quæ verubus ligneis infingunt igni comburenda. Communissimus autem cibus per totum *Orientem* est oryza, quæ omni ferè ferculo apponitur. Hanc variis coloribus tingunt, puta croco, seminibusque inspersis: facile paratur coquiturque; neque enim longas moras patitur ingenium *Turcicum*; tribus ante meridiem horis discumbitur, quod prandii loco est, hic omnia fiunt celerrime. Vas cupreum, rotundæ figuræ, scamno appositum, sesquipedis à strato altitudine, cætera minora vasa tum ejusdem metalli, tum fictilia, continet, neque enim argenteis utitur ipse *Imperator*. Hoc præfè junctis lateribus circumcingunt, certâ

certatim quasi cibos comedunt, vel devorant potius, carnem, digitis & dentibus dilacerantes; non enim cultri suppetunt ad hos usus. Sed de his satis superque dixisse *Tibi* videbor, ideo ad alia pergo, licet non ea annotassem, nisi quod de moribus *Turcarum* aliquatenus hinc etiam judicandum sit.

Nuptiæ magnò cum tumultu; qui ipsis pompa est, celebrantur; sponsa enim velo coccineo ad talos usque propendente induta, equo cruribus divaricatis vehitur, numerofo cognatorum & vicinorum comitatu stipata. Tibiis canitur in plateis, pueris circumsonantibus applaudentibusque. Non ante hunc diem genialem conveniunt sponsus & sponsa, sponsalibus utpote, ipsis absentibus, ope amicorum peractis. Cum vero lege *Mohammedicâ* permissum sit quavis de leviculâ causâ nuptiis renunciare, quo magis de felici filiarum sorte adversus inconstantiam & proterviam

viam generorum provifum fit, fi ipfos illarum tædeat, coram Judice fignantur contractus de tót aspris in fingulos dies numerandis in alimonix subsidium, modò remittantur. Hac arte affectus maritorum retinetur, a quibus, fi quid in divortiis faciendis deliquerint, nummi, quos pacifcebantur solvendos esse, tanquam justum debitum exiguntur. Non licet ultra quatuor uxores sibi assumere, quæ ancillarum dominæ sunt, nec aliud intercedit discrimen præter dotem; nisi quod in has plenum jus quisque habeat. Hac syngraphâ acceptâ, utriusque partis Procuratores quandoque (neque enim hoc apud illos perpetuo in usu est) coram sacerdote comparent, de futuris nuptiis, quo celebriores fiant, indicendis. Ille fausta quæque auguratur, interdumque ad convivium nuptiale invitatus, ipsis benedictionem coram imperiit; tribus continuis diebus iufibus & lætitiâ indulgetur.

Status

Status mulierum, quas solenni conjugio quispiam sibi adsciverit, servilis est, in ædibus tanquam in carcere concluduntur; non foras exeundum est absque custode, nemo ad colloquium admittitur, ne ipsarum quidem fratres, si pubertatis annos exceßerint, vel saltem bis terve anno, quod gratiæ deputandum est, maritis præsentibus. Otiosæ domi manent; maximum hoc vitæ delinimentum est, clathratis cancellis, quo prætereuntes aspiciant, adstare, & balneis, quæ in amplioribus ædibus nunquam desunt, frequentes interesse; nisi quod aliquas ex ipsis hujus otii planè tædeat: hæ sudaria & stragula intexendo & acu pingendo longas horas fallunt; felicissimæ vero sibi videntur, si maritis placeant, in ipsis demerendis totæ incumbunt, hic labor præcipuus, hoc unicum studium est, ne vel minima de ipsis suboriatur suspicio. Repudiantur, expelluntur, modò justa subsit causa nec
c ne,

ne, pro arbitrio maritorum.

Quosdam tantæ severitatis erga ipsas pœnitet, quas iterum in pristinum statum resumunt, quod alternâ etiam vice per consuetudinem, quæ invaluit, fieri licet; si quem verò furor & impotentia mentis ad id tertio faciendum impulerit, actum est de ipso, sui juris plane fit fœmina, nec in illius potestatem amplius redigenda, nisi post alienos amplexus; aliter ipsam ad thorum adsciscere penitus interdictum est, & adulterii crimen habet; juxta sententiam *Haniphei*, celeberrimi apud ipsos *Alcorani* & traditionum *Mohammedicarum* interpretis & enarratoris. Hoc in pœnam inconstantia ipsi irrogatur; maxime autem dedecori habetur apud moratiores, nec hâc infamiâ sibi pœjus imprecari potuisse visus est *Bajazides* primus, nisi statò tempore, quo illum ad prœlium ineundum invitaverat *Tamberlanes*, (*Timur lenk* i. e. *claudus*) ipsi cum exercitu suo occurrisset.

Quam

Quam facile autem apud ipsos divortia fiant quibusque de causis *Judæi* etiam fidem & religionem *Mosaicam* sæpissime ejurent & *Mohammedani* sm̄ amplectantur, cum id quotidianâ fere praxi liqueat, historiola hæc non inficeta dilucidè monstrabit.

Cujusdam verpi uxorem, quam deperibat, tandem ad suos amores pellexerat alius eorundem rituum cultor, sed scelus occultum longa aperit dies; ipsa secluditur, dum ille a fulminatrice *synagoga* censurâ metuit & ad desperationem penè redigitur. Omnia consilia versat, quo se ab hisce laqueis eat expeditum, factum liquebat nullo prætextu dissimulandum; novos amores accendit absentia, quæ intolerabilis utrisque visa est, quibus repetendis securius & palàm, mutuo consensu conditum est, *Turcicam* religionem amplecti. Quod factum erat, ringente marito, cui omnis spes eam repetendi præcludebatur; convicta tandem fœmina

na criminis admissi, ad pristinum virum, qui id unicè volebat, redire cupiit; nec renuit amasius, at obstabat lex *Mohammedica*, quæ fœminam *Turcicam* *Judeo* aut *Christiano* nubere vetat. Ideo ille infans amoris indulgens, in castra *Mohammedica* transit, hic coram *Judice* nuptiis, quas tabellis signatis firmaverat, dissolutis, eam abrenunciat, quæ jam libera & sui juris, alteri nubit, a quo decesserat. Relictâ urbe *Theſſalonicam* *Judeis* tumentem petunt, veterem *Judaismum* amplexuri, ubi in tantâ multitudine minimè metuendum erat, ne in ipsos ob renunciatam fidem *Mohammedis* animadvertèretur.

In gratiam fœminarum sancitum est, eas a conjugibus suis, si ab iisdem majorem injuriam quam quæ tolerari debeat, passæ sint, separari posse; hac conditione, ut nihil præter vestes aliasque reculas, quæ nomine dotis veniunt, secum auferant: nec quicquam, quo alantur, a maritis expectent,

ſent, puellasque, ſi quas pepererint, curent educandas: ſed exempla rariora ſunt.

Erga eos, qui gravi morbo malè afficiuntur, aliquà præſertim neceſſitudine & cognatione interveniente, perquam humani & benevoli ſunt, quod etiam nonnulla animalia bruta docuit natura. Hoc inter opera charitatis, (*ſemeb*) quæ humanitatis & amicitiae leges exigunt, recenſetur: in his viſitandis adeò frequentes concurrunt, ut moleſti videantur, niſi quod uſus officium hoc non ſolum tolerabile, ſed penè neceſſarium reddiderit. Quiſque fructus & pharmaca in ſubſidium ægri ſecum aſſert. Dum vita ſupereſt, nihil non, quod illam avolaturam retinere fugientemque retrahere poſſit, moliuntur. In ipſo autem agone mortis, cum res jam conclamata eſt, moribundo auribus quiſpiam, ſacerdos præſertim ſi adſit, inſufurrar plus ſemel formulam illam, quæ ſummam religionis apud
e 3. ipſos

ipſos complectitur, *Non eſſe Deum præter Deum, & Mohammedem nuncium ejus.* Egros laborantes & cum morte luſtantes lugent, miſerentur, ingentemque præ ſe triſtitiã ferunt, voce & vultu flebilibus. Poſtquam vero anima a carcere, quo detinebatur, avolaverit, ceſſat omnis luſtus, a gemitu & ſuſpiriis, ſaltem quantum natura patitur, ne palam exaudiantur, abſtinent; mortuos lachrymis reliquoque doloris ac iræ apparatu & tumultu plangere non leve piaculum habetur, cum hoc eſſet decreto divino, cui placide parendum eſt, perperam & contumaciter obniti. Cadaver thymiamate ſuffumigatum & aquã tepidã, cui admiscetur ſapo ad eluendas ſordes, diligentiffimè lotum & ſindone conſutum (niſi quod pars infima, quæ caput & pedes operit, ſine acu conjuncta in plicas obvolvatur, quo expeditius ſe pedibus ſiſtat in ſepulchro, & ſine morulã rationem fidei ſuæ reddat) cito

citò ad sepulchrum, capite prius lato, deferitur; Non alius ipsis condiendi modus in usu est, non in solenniore pompam prorogatur sepultura, nullas exequias, nullam magnificentiam funerum curant; nulla præfica, tædifèri nulli, qui cereos portent ad supplendum diurni luminis defectum; nunquam enim noctu hos ritus peragunt. Antè ambulat *sacerdos*, pauca obmurmurans: sequuntur cognati vicinique: cum ad loca sepulturæ perventum sit, pro salute ipsius animæ peculiare preces effundit *sacerdos*, qui solus propè adstat, reliquis ad viginti pedes recedentibus, & quædam *Alcorani* capita legit. Tum mortuum de fide, quam, dum in vivis esset, profitebatur, seriò quidem monet, ne illum quasi ex improviso, & de istiusmodi rebus minimè cogitantem occupent *Angeli inquisitores*, ut in illo examine subeundo hoc nempe, *Deum esse creatorem suum, Mohammedem nuncium ejus, & se Meccam*

Meccam versus preces suas direxisse liberè & audacter respondeat; quibus cæremoniis pèraçis, humi cadaver condunt, & ab *Angelis* de anteaçtæ vitæ ratione examinandum relinquunt.

Cura superstitum erga defunctos ultra sepulturam extenditur, nummi distribuuntur pauperibus, ut eorundem suffragiis & precibus amicorum animabus benefiat. Ad sepulchra sæpissimè itum est a cognatis, ad testandum luctum simul & affectum. Aliqui ex *Imperatoribus* & *Magnatibus* sibi consulentes, ad hos usus prædia devoverunt, ne deessent istiusmodi officia. Mulieres funeribus nunquam intersunt, cum id officii & humanitatis ad solos viros spectet, nisi quod ultimo die *Ramazani* iis sepulchra invisere permissum sit. *Cæmeteria* sunt extra urbem, & prope viam *regiam*, nescio an ad pompam religionis *Mohammedicæ*, an in humanæ fragilitatis exemplum & memoriam. Sepulchra
autem

autem cava sunt, neque enim terrâ implentur, spatio, quo assurgant facilius & assideant coram *Angelis*, relicto, asseribus superimpositis, ne in ipsorum ora & oculos decendant pulvisculi & arenulæ, quibus superius spatium oppletur. Ad horum extrema eriguntur duæ columnæ, effractæ & intercisæ, quæ olim *Græcorum* ædes & templa ornarunt, vel ingentia saxa, quorum non pauca quatuor ulnas longitudine excedentes in cœmeterio *Galatensi* me vidisse memini. Mortuos lædere horridum sonat; ideo ossa in loculamentis quiescere sinunt, nec idem sepulchrum bis effodiunt; quisque proprium sepulchrum habet, non ossa ab alienis ossibus premuntur, cineres non magis impermixti olim in urnis & capsulis recondebantur. Uniuscujusque, vel pauperrimi, tumulus duobus saxis signatur, insigniora verò sepulchra habent melioris sortis viri, quorum descriptionem paucis accipe. Ex lapide

lapide quadrato & bellè cæso exstruuntur, cistæ, cui operculum ablatum est, (nullum enim saxum superiorem sepulchri partem tegit) formam referentia, gradu lapideo ea circumambiente : in utrisque lateribus tres circuli auræ obtekti, ut in extremis unicus, existant, intermedia spatia flores cum germinationibus & flexibus suis incisi implent. Hic, uti in laquearibus, calatura ostenditur; statuariam & artem pingendi humanas imagines nemo apud ipsos callet, nec si calleat, ostentare audet. Artificium hoc tanquam scelestissimum penitus damnatur, & in figuras seu penicillo seu scalpro elaboratas planè sæviunt. In alterutro extremorum erigitur columna, quæ à quadrato latere incipiens in conum assurgit definitque, cujus apici superimposita fascia, qualis capitibus virorum multiplici flexu spirarum instar circumvolvitur, viri sepulchrum signat, ut (*Tekyah*) insigne capitis muliebris muli-

mulieris. Hactenus de sepeliendi ritibus & sepulchris, quæ sub dió sunt in locis campestribus: de facellis testis, quibus *Imperatores* jacent, postea commodior erit dicendi locus.

Jusjurandum apud *Turcas* maximè obtinet in judiciis litibusque pecuniariis & capitalibus dirimendis: producit in medium *Alcoranus*, quo tacto actor & testes, invocato *Dei* nomine, (*vallah*) se bonâ fide in testimoniis adhibendis acturos solennitèr obstringunt. Librum osculantur, & fronti apponunt, tum in juramenti, tum in *Alcorani* reverentiam, qui tanti æstimatur, ut illum illorû manibus tractare nefas sit, nec nisi post hos ritus peractos aperire liceat. Si quispiam *Christianus*, si *Judeus* in jus vocentur, vel alicui litem intentent, eos tactis sacrosanctis *Evangeliiis* vel *Pentateucho* de rerum veritate adjurant. Unus è *Christianis Occidentali- bus* ad forum citatus coram *Judice Mohammedano* comparuit testimoni-
um

um daturus; prius juramentum interponendum erat; libentissime se juraturum profitetur, cum id optimo jure potuerit; sed defuit sacer *Evangeliorum* codex, nec ulterius in litis contestatione procedendum erat, nisi hoc obice amoto. Itur ad *Græcos*: tumultuantur, sedulo inquirunt ac investigant an liber uspiam inveniri possit; tandem infertur libellus quidam *Latinus*, quem *Evangelium* crediderunt. Quo ostenso, ille manum a contactu libri profani in hoc sacro cultûs divini, quem naturalis religio docet, actu planè retrahit; Urget interpretes, a quo hæc historia mihi communicabatur, rem fieri, ne lite caderet; librum ipsi *Evangeliorum* vice objectum esse; moram ipsius testimonium suspectum reddituram; eâdem fide se jurare potuisse, modo *Evangelistarum* Autographa exhiberentur: quibus argumentis expugnatus, annuit.

Non expectabis, ut jurandi formulas,
quibus

quibus in familiari sermone extra
judicium utuntur ad fidem concilian-
dam; cum rei, de qua agitur, seriò in-
tenti sint; vel cum versutia & deci-
piendi hoc religioso prætextu studi-
um, vel cum ira similesque affectus
mentem transversim rapiant, hic ap-
poham; In historiis rerum *Turcica-
rum* ex ubique exstant. Unicam dabo,
quâ omnem falsi suspicionem a mo-
vendâ curent, & cui succumbere quæ-
libet præfractæ mentis necessum sit;
hæc autem his conceptis verbis effertur,
dort kitab bek itchin, i. e. per verita-
tem quatuor Librorum remita se habe-
re; Intelligunt legem *Mosis* (*Teurat*)
Psalms (*Zabur*) *Evangelium* (*Ingil*)
& *Corantum*. Horum auctoritatem
agnoscunt, & tanquam libros sacros
venerantur; *Isa*, *Jesu*, (*Musa*) *Mo-
sis* & (*Daoud*) *Davidis* nomina apud
ipsos nota sunt & in honore, quos
prophetas insignes fuisse fatentur, nec
de iis absque elogio loquuntur, ip-
sorum nominibus titulo dignitatis
præfixo, ut *Hazrette Isa*, Dominus
Jesus.

Jesus. Fœdissimus *Impostor* hac de re ipsis præivit in *Alcorano*, de sanctissimâ vitæ *Christi* ratione & de miraculis, quæ edidit, abundè testatus. Hinc illa reverentia erga *Christi* nomen apud moratiores, ut si qua injuria ipsi inferatur, indignentur, & quandoque eam ultum eant. *Judeus* quidam *Gallipoli* urbe *Thraciæ* maritimâ ad *Propontidem* mercatori *Anglo* malè infensus, postquam putidissima convitia in illum évomuerit, extremum, quo illum maximè ureret, *Christo* maledixit; sed non cessit ipsi impunè hæc impia oris virulentia: abripitur, ad ædes *Judicis* recutitus nebulo, testantur, qui aderant, ipsum *hazrette Isa* (i. e.) *Dominum Jesum* blasphemâsse ac probris læsisse; factum liquebat, sine morâ fustibus pedes cædi. jubet *Judex* (nec enim longâ deliberatione & consilio in re adeo apertâ opus erat), in tantæ blasphemiæ poenas.

Singulis annis celeberrimus *Turcarum* ab omni ferè imperiū, quantū quantū est, provinciâ

provincia conuentus est apud *Meccam*;
 Hanc urbem sacrauit *Mohammedis* se-
 pulchrum, in quo invisendo insignis
 pietatis pars collocatur; hinc amor
 & zelus iste illic peregrinandi ori-
 tur, hinc opinio meriti, hinc major
 fama pietatis peregrinantibus, qui-
 bus hæc felicitas contigit, unanimi
 consensione accrescit. Quibus autem
 ritibus & cæremoniis tota hæc pere-
 grinatio peragatur, ex historiâ, quam
 meo rogatu *Constantinopoli* descrip-
 sit D. *Albertus Bobovius*, de quo,
 utpote tibi famâ ac commenda-
 datione noto, mecum egisti, ante-
 quam ex *Anglia* discefferim, pla-
 nissimè liquebit: Hanc cum aliis e-
 iusdem lucubrationibus in appen-
 dice annectendam curabo. Quantâ
 veneratione *Hierosolyma* prosequan-
 tur, titulus, quo ea insigniunt, satis
 indicat. *Kuds* enim (i. e.) *sanctuari-
 um* seu *urbs sancta* vulgari nomine
 nuncupatur, cui hæc epitheta hono-
 ris gratiâ frequentissimè addi solent,
Kudssherif & *Mubarek* i. e. *nobilis* &
lene:

benedicta : sed longè clarius indicium est, quod aliquamulti peregrinationem *Meccanam* non absolutam & meritoriam credant, nisi hic etiam inter redeundum adorent, & sacra obeant, in *Moscheâ* nimirum, super montem *Sionis* exstructâ, eo vertice quo olim emicuit magnificum *Solomonis* templum. Hanc etiam, uti sacellum illud, quo *Meccæ Mohammedes* sepultus jacet, ingredi nemini, præter eorundem sacrorum consortes, permissum est; omnis aditus tum *Christianis* tum *Judeis* interdicitur, quasi sacra hæc loca, si alienis gressibus calcarentur, vilescerent omnemque suam dignitatem & sanctitatem penitus amitterent. Sed manum jam de tabulâ; proximis, quia rem non ingratam nec displicituram videbor factururus, *urbis Constantinopolitanæ* descriptionem qualem qualem habebis. Interim, *Vir Clarissime & Præstantissime*, quam optimè valeas. *E. Collegio B. Mariæ Magdalenaë festo Sancti Barnabæ A. Chr. M. DC. LXXIII.*

EPISTOLA



E P I S T O L A,

inquâ brevis

C O N S T A N T I N O P O L E O S

notitia continetur.



U M *Urbis Constantinopoli-*
tanæ describendæ fidem me-
 am *Tibi, vir Præstantissime*
& Insignissime, nuperrimè
 dederim obstrinxerimque, non eo a-
 nimo factum erat, quod planè com-
 pertum habebis, quasi graphicam ejus
 delineationem in me suscepissem; in
 hæc enim verè laudabili operâ major
 cura adhibenda est, quam venditare
 vel possim vel debeam. Singulos vicos
 ac angiportus frequenti & accuratâ
 indagine rimari, ac quicquid illic ap-
 pareat lateatque, antè exploratum
 habere oportet, quam talem *Topogra-*
 f *phiam*

phiam aliquis de novo aggrediatur. Nec me latuit *P. Gylliū* libro suo aureo omnes numeros hāc ex parte explevisse videri, ac literato orbi diligentia suā incredibili penitus satisfecisse, ut post illum quidvis hac in re meditari planē arrogans & temerarium censendum sit. Ille enim *vir eruditissimus* omnes regiones *urbis* frequenti pede dimensus est; penē dixeram illum nimia diligentia usum fuisse, ac dum varios flexus, dum quasvis eminentias ac depressiones viarum, dum singularum dimensiones maximā cum accuratio-
ne definit, descriptionem paulò obscuriorem & minus gratam reddidisse.

Ille colles, valles, templa, portus, columnas, aliasque *urbis* appendices annotavit, collatione veteris statūs ipsius, dum *Græci* rerum potiti supremum humanæ felicitatis apicem assequerentur, cum præsentī, ex quo nimirum, eorum imperio everso, eam occuparint *Turcæ*, factā, quam veteri notitiā *urbis*, qualis erat sub
Impera-

Imperatoribus *Arcadio & Honorio* adjutus, instituit, ut omnem aliorum industriam omnemque laudem præripuisse videretur. Ita est sanè me judice. Quid ergò à te expectandum est, inquires, qui tot verba in elogiis *Gyllii* profuderis, quem accuratissimum scriptorem tota gens literata tecum fatetur? Præsto mihi est apologia, quæ me ab hoc ictu immunem illæsumque, ut spero, tuebitur, mihi nimirum idem cum aliis licere, qui *Constantinopolim* tum iconisnais tum novis commentationibus illustrandam sine censura *Gyllianæ* industriæ, aliorumque, qui idem argumentum tractarunt, vituperio credunt. Quisque sibi in rebus describendis repræsentandisque placet, non eadem methodus, non idem propositum, quod pro diversâ studiorum ratione variatur. In tanto igitur scriptorum numero, non mihi imputandum erit, si more eorundem, ipse quid oculis observaverim, licet fortassè id rudius minúsque

f 2 expresse,

expresse, describam; non enim pudebit fateri, curiositati meæ vix satisfieri potuisse, dum rudera antiquitatum investigando lustrarem; ea semel vidisse non satis duxi, plateas assidue percurrere ac templâ ingredi perplacuit, denique omnem diligentiam adhibui, si non quoad volui, (nec enim fastus & odium *Turcarum* id penitus siverint) saltem quoad potui, dum hæc agerem: quod mihi in excusationem apud æquos rerum judices & æstimatores cessurum arbitror. Hæc autem præfatus, rem propositam, & quæ ei ornandæ maximè conducunt, de industriâ paucis quidem pagellis ad amoliendum tum tædiū tum invidiam, in *Tui* & per *Te*, si placet, aliorum gratiam brevissimè confecta dabo.

Facile, nec id temerè quidem, pronunciandum est; nullam urbem in universo terrarum orbe hodiè existare, aut olim existisse, quæ *Constantinopolim* situ æquet, si amœnissimum

num prospectum, si à qualicunque hostium ac ventorum impetu, absque foedissimo civium neglectu, securitatem, si munitiones, quas suppetant tum ars tum natura, si denique breviculum, quo in *Asiam* facilè transitur, trajectum spectes, ut in sedem & caput imperii destinata videatur. Tot montibus placidè tumet, ædibus hinc inde pendentibus, ut illustrius spectaculum, oculisve jucundius desiderari aut fingi quidem vix possit. Ædes enim aliæ aliis paulò elevationes miro & pulchro stant ordine, & à quopiam urbis latere facilè spectantur. In hortis altum exsurgunt cupressi, plateis intermixtæ, ut urbem mediâ sylvâ conditam quispiam, maris *Propontici* oram legens, credat: si vero ad *Moscheas*, quæ quaquaversum patent, oculos tollat, apices pyramidum auro obtecti tanto vigore lumen evibrant, ut nimio splendore victi oppressique coniveant & fatiscant, & delectatio

illa, quam mens prius exhausserat, stupori derepente cedat.

Licet mari objacet, utrinque angustis coercetur, ut penè inaccessa sit, & qualescunque hostium impetus facile arcere possit. Distat *Tenedos* insula quatuor leucis ab ipso *Hellesponti* ostio; cujus litora intervallo quinque milliarium à se invicem distant; hinc aquæ rapidissimo cursu, potissimum flante *Boreâ*, in mare *Ægeum* sine ulla reciprocatione effunduntur, unde contra ire cursumque navis promoveri, nisi secundissimi venti ope, non liceat. Hunc aditum muniunt duo propugnacula, quæ a *Venetis* ferè ad fauces usque *Hellesponti* cum classe sua irrumpentibus laceßiti, flagrante bello *Cretico*, exstruenda curabant *Turcæ*. Prope promontorium *Sigæum* (quod hodie à nautis nostris ac *Italîs Janizarianum* audit) in litore *Asiatico* situm navigantes, tormenta bellica istius propugnaculi ab uno latere, quod oram oppositam respicit,

respicit, viginti sex, ab altero, quod *Tenedum*, sedecim numeravimus. In medio autem æstu vecta navis ab his non multum fortasse periclitabitur. Inde *Hellepontus* latius orientem versus exporrectus, tandem intervallo a *Propontide* & *Ægeo* propemodum æquali in angustissimas sinuatur fauces. Latitudo enim milliari *Anglicano* quartâ parte minor est. Propugnacula *Turcis Boghas hisar* (i. e. freti munimenta, *Christianis Dardanelli*) sibi invicem opponuntur, quorum gratiâ etiam adhuc veterem, quam olim obtinuere, famam retinent *Sestos* & *Abydos*. Illius propugnaculum trigoni formam habet, in cujusque anguli vertice exsurgit turris, mediam aream occupat turris quadrata, quam ambiunt tres aliæ, formâ hemycyclicâ: Hujus propugnaculum quadrangulare est, latera arces rotundæ figuræ exornant muniuntque: intus turris oblonga se altum exserit. His suam securitatem debent *Constantinopolitani*,

tinopolitani, aditu exitūque navium hinc interclusis; hic enim pro more, usque dum mundo ter illuxerit sol, uti loquuntur *Turcæ*, *Christianorum* naves jactis anchoris subsistunt, à *Constantinopoli* huc appellentes, nec illinc solvendum est, nisi post explorationem, ne mancipia mercē suo per leges imperii interdictæ concludantur delitescantque, factam, à *præfectis* veniam prius impetraverint. *Sestos* in litore *Thracico* sub monte jacet, in planitie *Abydos*; munitionibus validissimis & planè antiquis, longè supra ingenium & peritiam *Turcarum*, utraque ornatur gaudetque, ingentibus tormentis paulò supra aquæ superficiem eminentibus, ut non nisi maximo periculo fretum sit perrumpendum, ne ea, quæ in singulis muris disponuntur, referam.

Ab alterâ parte versus mare *Euxinum* angustię *Bospori* aditum præcludunt, quo minus ad urbem eatur. Hic ad octodecim milliaria in longitudinem

tudinem extenditur, variis & interludentibus aquarum flexibus, ob rupes & promontoria, quæ visum finit intercipiunt & fallunt, quasi utrisque ripis conjunctis non amplius esset progrediendum; tanto autem impetu fertur aqua in fretum hoc irruens, præcipuè si ab *Aquilone* protrudatur, ut cymbarum proris fluctibus frustra obversis remiges subinde litus petere coacti, eas funibus alter pone alterum incedentes trahant, & quod mirè, tantâ cum ebullitione alicubi resilit, quasi ignis suppositus flexiles ejus particulas in bullas intumescentes sine spuma agitasset. Sinubus latis & portuosis abundat, potissimum in litore *Thracico*, quod oppletur vicis & ædibus *Magnatum*: freto imminet ædes, è quarum fenestris pisces capiuntur; ripas *Bithynici* litoris tegunt oleastri, castaneæ, cupressi; hortus continuo tractu infusus videtur. Hinc *Asiae minoris* delicias æstimare licet, quam ubere ac felici solo, quam propitio cælo

cœlo gaudeat ; jucundum sanè nobis in freto navigantibus spectaculum, at quam longè jucundius gratiùsque futurum esset, si hæc umbracula, si amœni hi secessus è manibus *Barbarorum* eriperentur!

Bina munimenta alterutrum alvei latus muniunt, prima sexto ferè ab urbe milliari distant, à *Mohammede* expugnatore *urbis* condita, *Turcis Feni hisar*, *Græcis νέκυστα* i. *nova propugnacula*, seu *ἀσπίδες* *candida*, quibus nominibus ab aliis distinguuntur longè vetustioris originis, quæ magis introrsum versus ostium *Bosphori* sunt, novem abhinc intervallo milliarium. Hic brevissimus est trajectus, non enim milliari latitudo amplior videtur. In ostia ferè, providente naturâ, objiciuntur rupes, ad frangendam aquarum, quas perpetim volvit *Euxinus*, vini : has *Symplegades* nuncuparunt antiqui ; tota enim moles saxea est, & parvi circuitûs ; litori *Euræo* quatuor ferè contiguæ modico inter-

intervallo inter se distant, ut, mari interfluente eminùs non perspecto, coire & concurrere videantur. In harum maximâ adhuc eminent columna politissima candidi marmoris octodecim circiter pedes alta, ordinis *Corinthiaci*, quam *Pompeianam* vocant, quasi ab illo præclarissimo tum mari tum terrâ duce, in memoriam victoriæ, quam de *Mithridate rege Pontico* reportaverat, erigeretur: quod mihi planè figmentum videtur, ac eâdem licentiâ dictum, quâ alii rudera quædam faxea, non procul à *Belgrado*, (viculo nimirum, in quo flagrantibus anni æstibus pro more rusticari solebamus) *Ovidii*, quasi hic propè exul quod reliquum vitæ erat transgisset, *turrim* somniarunt. Ita veteribus monumentis nova imponuntur nomina, à viris *occidentalibus*, partim seriò, partim jocularitè: sed rem extra controversiam ponit inscriptio, obscuris exesisque characteribus in basi incisa, quæ eam imperante *Augusto*,

gusto, cujus nomen illic memoratur, erectam fuisse ostendit.

Ex adverso *Pharos*, *Græcorum* opus elegans & magnificum, promontorio inædificatur, quem ascendimus; inde enim commodissimus in illud importuosum & infame mare, quod *Turcæ Kara denisi* i. *nigrum mare* appellant, prospectus est.

Situs hic inter duo maria longè antequàm a *Constantino* caput imperii constitueretur, *Byzantium* nobile emporium reddidit, utpote commerciis quam maximè oportunum. Quicquid enim *Græcia*, quicquid *Ægyptus* & *Mauritania* habent, huc facilè vehitur. *Asiam minorem* in conspectu habet, in quam copias tum frumentarias tum militares securissimè trajicere licet, & gentes, quæ ingentem *Pontum* paludemque *Maotidis* circumstant, suas merces perquàm commodè mittunt. Sed de ipsius situ in genere pauca hæc prælibasse sufficiat.

Constantinopolis a *Turcis* nominatur

Istan-

Istapol, quod juxta tritum loquendi usum, qui ubivis obtinet, in *Stamból* hodiè degeneravit. Inde cuivis constare posse certum est, nomen illud non *Turcicæ* esse originis, quasi *Islamboul* i. *urbs fidei plena*, scribendum esset, ut aliqui imperitè conjectantur, sed ex *Græco* planè mutilatum, veteri sæpenumerò urbium nomenclatione ad linguæ *Turcicæ* genium modulumque paululùm inflexâ, ut *Edriane*, *Bursia*, *Esmîr*, *Budun* pro *Adrianopoli*, *Prusia*, *Smyrna*, *Buda*, & sexcenta ejusmodi. Particularem vero ipsius situm accipe. *Scutario* (veterum *Chrysopoli*) urbi peramplâ, leucæ intervallo objacet; & *Chalcedoni* in angusto sinu reductæ, quæ temporis edacitatem & fati violentiam tristesque rerum vicissitudines luget & testatur. Ignobilis enim hodie pagus est, (*Turcis Kadi kui* i. e. *Judicis oppidum*) adhuc tamen sedis *Metropolitice* dignitatem obtinet apud *Græcos*, qui pulcherrimum templum pientissimæ
&

& constantissimæ *Martyris sanctæ Euphemiæ* nomini dedicatum; unicum veteris magnificentiæ quod superest monumentum; hic habent.

Trianguli formam refert; cuius vertex est promontorium; (a *Græcis sancti Demetrii promontorium* nuncupatum) cui supereminet palatium *Imperatoris*. Inde majus latus, quod a *Propontide* ad *Austrum* se obliquatione factâ in sinum subducente subten-
ditur, ab *Euroaquilone* ad *Notazephyrum* sex ferè milliarium intervallo usque ad *septem turres* excurrit. Alterum latus versus *Boream*, litore instar cornu flexo, ad tria milliaria extensum ab ortu ad occasum facit sinus *Galatensis* a *Strabone* *Kieas* dictus. Pro base habet in planitie campestri *Thraciæ* versus occidentem *Isthmum*, a *Propontide* quater mille passus ferè meridionaliter ad sinum exporrectum; triplici muro cinctum; usque ad *Constantin* palatium; inde angulo curvâ projecturâ facto, ubi est maxima terræ declivitas,

declivitas, unico, modico nimirum ad portum intervallo, quemadmodum duo latera, quæ a mari alluuntur, habent.

Quoad ambitum tredecim millia paſſuum intra mœnia complecti videtur. Latitudinis autem eſt variæ, coeuntibus aut recedentibus diverſis angulorum oppoſitorum partibus. Montibus duodecim, ni fallor, turget, è quibus *ſeptem* inſigniores ſunt, utpote elatioribus jugis maximè conſpicui. Horum pleroſque ornant templa magnifica, ab *Imperatoribus* juxta formam *ſanctæ Sophiæ* condita, quorum teſtudines pyramidesque nubes ferè attingunt. Sed de his enucleatiùs poſteà dicendum erit.

Nihil non illuſtre & tantâ, quæ ſpargebatur, famâ dignum in hâc urbe exiſtare, oculis quoque ſpondentibus fiſus, credebam; quamque ingens ſui deſiderium illa a longè conſpecta pepererit, exprimendo non ſum: quam tamen ingreſſus, me miſerè

miserè delusum esse præsens sentii ;
 mihi primùm displicuere salebroſi vi-
 arum flexus & inæqualitates , non
 sine labore superandæ ; unde quaque
 enim vel ascendendo vel descendendo
 itur , si unicam ; quæ urbem trans-
 versim dividens ab *Imperatoris* pala-
 tio ad portam *Adrianopolitanam* æquali
 superficie ac sine aliquâ curvaturâ du-
 cit , plateam excipias ; dein earundem
 angustia , quæ nitore & amœnitati de-
 trahunt , ut ædes alicubi utrinque se-
 ferè contingere videantur . Sed cum
 his facilè mihi in gratiam rediit , cum
 meminissem , in causâ fuisse tum fi-
 tum , tum umbræ commoditatem , stu-
 dio quæsitam , quò solis radii , ne ni-
 mium infesti sint , magis arceantur .
 Verum enim vero hæc nihili planè e-
 rant præ spurcitie & cæno & sordibus ,
 quibus plateæ scatent , præ sterquiliniis ,
 præ solitudinibus , quas incen-
 dia passim fecerant , præ denique ta-
 bernis & ædibus humilibus inornatisq ; ,
 non è saxo affabrè dedolato , sed è
 tenuioribus

tenuioribus asseribus vel luto sole
cocto coagmentatis. Ex antiquis enim
Græcorum ædibus pauca admodum
hinc inde supersunt, idem fatum
cum cæteris ob vetustatem brevi subi-
turæ, quæ satis testantur, quam pul-
cherrimis splendidissimisque ædificiis
olim superbiret & exornaretur *Con-
stantinopolis* : de privatis ædibus lo-
quor, quarum exteriori cultui pa-
rum consulitur. Nullibi hic exsur-
gunt porticus columnis suffultæ,
non postes deaurati, non arborum
seriatim depactarum ordines am-
bulacra ornant terminantque; frustra
imagines pictas, sculptas, aut opere
coronario elaboratas hinc quæras : a-
reæ, si quæ sint, penitus deformes,
nec juxta *canonem* dispositæ. Hoc
solo discrimine cæteris antecellunt
Magnatum ædes, quorum magnificen-
tiam aliunde petendam esse supra
diximus, quod laxiores sint, por-
tarum prominentiis è variis colori-
bus, putà minio, cæruleo, croceo;
g tessellatis

tessellatis. Ex atrio ascenditur in aulam satis amplam, quâ excipiuntur quotquot illos negotiorum causâ adunt: cubilia angusta; sine aulaïs parietes, quorum vices interdum suppleant laterculi, variis florum foliorumque nexibus depicti ac deaurati; opus intestinum rariùs.

Mœnia tum ob crassitiem tum ob altitudinem nescio an *urbi* majori sint præsidio & munitioni, an decori & ornamento; turribus muniuntur, unde facile depluat in hostes imber plumbeus, si qui ea aggrediantur. Quo ea, quæ ad *Propontidem* sunt, accedant grandiores naves, rupes in longum ex adverso sub aquis procurrentes obstant. Horum partem fluctuum vi vel terræ motu dirutam *Theophilum Imperatorem* instaurâsse inscriptio hæc, quam passim exstare accepi, testatur.

ΘΕΟΦΙΛΟΣ ΕΝ ΧΡΙΣΤΩ ΤΩ ΘΕΩ ΠΙΣΤΟΣ
ΒΑΣΙΛΕΥΣ ΚΑΙ ΑΥΤΟΚΡΑΤΩΡ ΡΩΜΑΙΩΝ.

Sub

Sub mœnibus in extremo latere versus portum terrâ in litore aggestâ disponuntur quinquaginta tormenta bellica, militibus illic perpetuo excubias agentibus, in *palatii* securitatem. Esaxis cæsis fiunt, nisi quod alicubi interveniânt lateres & lapides cœmento intermixti; in supremis versus terram mœnibus, quæ triplicia diximus, quidam hiatus, tormentorum impetu, in *urbe* expugnandâ facti, adhuc visuntur, de quibus reparandis minimè cogitant, cum isti eorum oculis quotidie obversantes in memoriam revocent, quam felicissimè suis majoribus illa obsidio tandem cesserit. In his turres quadratæ a se invicem modicùm distant, quarum spatium medio, quasi in trianguli formam, respondent in secundis aliæ. Tertiæ minis aperturisq, è quibus prospicere licet, destituta, in terram valdè deprimuntur, fossâ extimâ, viginti quinque passus latâ, hodie oppletâ. Extra mœnia nullæ ædes suburbanæ, unicâ aut duabus prædialibus fortè

exceptis, nisi ad portum, ubi excurrit vicus incolis refertus. Totâ planities campestris patet, hinc accedentibus ad urbem spectaculum oculis gratissimum exhibent numerosæ admodum & pulcherrimæ turres, aliæ aliis superiores, ut dubium sit, an terrâ vel mari gloriosior *Constantinopolis* appareat. Has amœnitates oculis avidissimis hausisse non semel bisve contentus, totum illud spatium, quod occupant mœnia a *Propontide* ad *portum*, non sine maximâ delectatione pedibus sæpenumero dimensus sum.

Quo ab omni parte quisque majori cum commoditate sine ambagibus *urbem* hanc, quæ tantâ perimetro circumdata est, ingrederetur, ab instauratore sapienter provisum erat tot portarum aperturis. Iis, quæ versus mare sunt, porticuli prætenduntur ac terra acclivior, in quam facilè ascenditur, mediocri litoris intervallo excluso. Numero autem sunt

sunt viginti quinque, quarum nomina, quibus a *Tureis* hodiè appellantur, licèt fortasse id leve prorsus & nullius momenti censendum sit, cum a nemine accuratè quod sciam hætenus præstitum sit, hic juxta situm, quem habent, brevissimè recensebo.

Ad mare *Proponticum*, nimirum a *Palatii* promontorio ad septem turres hoc ordine septem occurrunt.

Achor Kapisi, i. *stabularia porta*, propè enim adsunt *Imperatoris equilia*.

Chatladi, *rupta* (quasi per incisuram)

Kum, *arenaria*.

Jeni, *nova*.

Daoud Basba, *Davidis Bassæ*, cujus nomen ob expensas curamque in eâ reficiendâ collocatam ipsi fortè inditum erat.

Samathia, ex *Græca* aliquatenus corruptum videtur.

Narli, *malogranati*.

Versus terram a *Propontide* ad finem septem.

Jedicola, *septem turrium*; quod a quibusdam, linguæ *Turcicæ* ignaris, soni affinitate deceptis imperitissimè in *Faniculum* pervertitur.

Seliure, quâ *Selymbriam* itur.

Top, *tormentaria*.

Feni, *nova*.

Edriane, *Adrianopolitana*, quæ nimirum eò ducit

Egri, *torta*, ob tortuosos flexus & obliques.

Ivanser; in planitiæ, quæ post curvaturam magis introrsum propius finem attingit. Ratio nominis, quod a *Turcis* impositum fuisse certum est, incertissima videtur. Aliqui *Iyubanser* scribi oportere contendunt, quem *Iobum Medinensem Ansariensem* dictum; (quò nomine quotquot *Mohammedi* bello & armis suppetias tulerint in *Alcorano* nuncupantur) utpote ipsius *vexilliferum*, alii *Monachum Christianum*, qui unâ cum *Bessarione* ejusdem instituti viro religioso, propè in cryptis tenebricosis *Asceticæ* vi-
tæ

tæ vacavit, esse statuunt. Quorum illic sepulcorum piæ memoriæ facellum nunc in *Mofcheam* conversum dicabatur; inde in posteriori nominis parte ad ἁγίων Βασίλειον *Aivasari* allusum esse fingunt, τῷ γ' extrito inter pronuntiandum, sicut magnificum illud templum *Sanctæ Sophiæ Aia Sophia* hodie nuncupant *Turcæ*.

Ad sinum undecim.

Balat, Palatina, quâ ad *Constantini* palatium ascenditur; in extremo fere illius recessu, in quem evolvuntur duo fluvioli.

Petri, sancti Petri, ob templum ejusdem nominis olim contiguum.

Phanar, Φανάριον seu *laternaria*, hæc in urbem irruperunt *Turcæ*; duplex autem hîc exsurgit murus duplexque porta, in litore altera, altera in clivo, a civibus obsessis, cum in priori defendendâ desperassent, tumultuario conditâ, hinc adhuc apud *Græcos* retinetur nomen διπλο-φανάρι.

Gebali, montana, vel ut alii efferrunt *Giob-ali* *profundi putei* porta;

porta Jubalica a quibusdam corruptè nuncupatur.

Unkaban, *farinaria*, propè copię annonarię in cellis penariis reconduntur.

Odun, *lignaria*, monastichum hoc adhuc legitur, *μνημὸν δαυΐδ τοῦ Χριστοῦ ἐν τῇ πόλει*.

Temish, *fructuaria*.

Baluk bazar, *fori piscarii*.

Balkaban, *mellis porta*, prope quam veneunt vascula illius plena, bilance appensa.

Zindan, *carceraria*.

Babchiq, *hortularia*, non *Basha*, quasi solis *Bassus*, uti malè fingitur a quibusdam, noctu aperienda esset.

Quælibet ædes ampla, si paulò magnifica sit, à *Turcis* nuncupatur *Serai*, nomine hoc *Persico*, ad vulgarem usum traducto, licet id à plerisque occidentilibus ad *Imperatoris palatium*, terminatione additâ *Seraglio*, restringatur, de quo cum *Turcæ* verba faciant, hoc modo distinctè efferunt, *Padishah Serai*. i. *Imperatoris palatium*.

um. Situm est in summo Promontorii vertice, in extremo sinûs *Galatam* à *Constantinopoli* dividentis litore, *Bosporum Thraciæ* ab oriente habens, cujus aquæ rapido impetu, alveo obliquè se habente, ipsum feriunt, ut naves, cessantibus vel lenitèr spirantibus ventis, quibus illud quasi æstuarium regatur, sæpenumero in rupes & vada impingant. Muris urbis duo ipsius latera, quæ à mari & sinu alluuntur, cingentibus, alius ad terram excutrit, turribus quadratis quoque munitus, ut propugnaculi speciem præ se ferat. Hic olim vetus *Byzantium* stetit credibile est, primis incolis, uti fit, ob commoditatem sinûs propè degentibus; quorum ædes pro aucto civium numero ulterius in terram excrevère, uti postea succedentibus sæculis Collegium *religiosorum* virorum, qui sacra munia obibant in templo *S. Sophiae*, fuisse pro certo habetur. Diu autem erat, antequam *Imperatores Turcici* has ædes

in

in propriam sedem vendicaverint; expugnatâ enim *urbe*, relicto *Græcorum Imperatorum palatio*, vel quod in illâ, quam passa est *universa urbs*, strage non integrum illâsumque permanferit, vel mali ominis vitandi causâ, aliud, ferè in civitatis centro, eligendum condendûmque censuère, quod hodiè nuncupatur *Eski Serai*, i. *vetus palatium*, quo defuncti *Imperatoris* fœminæ tanquam in carcere clauduntur, nunquam dimittendæ, nisi, quod aliquando fit, *Magnatibus*, quibus maximè favet *Imperator* ille, qui succedit, ipsas nuptum det.

Viginti stadia ambitu suo completi videtur, quod spatium non continuis ædibus sed hortis arceisque amplissimis occupatur. Porta ordinaria, quâ itur ad *Palatium*, cum cæteræ non nisi rarissimè aperiantur, à *Fanitoribus* (*Capigiler*) quorum clypei, hastæ, bombardæque illic in omnem usum pendent, in ingentem altitudinem effertur, cui par amplitudo non respoudet.

respondet. Hujus paraftades muniunt duæ columnæ è crassiusculo marmore; hinc patet area, tercentum passus longa, triente minus lata: à sinistrâ rotunda *Græcorum* ecclesiola, quam consensuens fama olim sacrarium *Sanctæ Sophiæ* fuisse tradit, nunc Armamentarium, adhuc exstat; à dextrâ continuò procurrat nosocomium, quo ex interioribus *Palatii* deferuntur valetudinarii. Ad secundam portam, quæ in aliud atrium ducit, de equis descenditur. Nemo enim, nisi pedester, præter *Imperatorem*, illud ingredi potest; mihi hic omnia placuere, ordo, magnificentia, pulchritudo. Quadrangulum enim est, singulis lateribus ad bis centum passus extensis, quæ undequaque ambit porticus plumbo tecta, septem circiter passus ampla, in fornices columnis è marmore *Thebaico* suffultos pari intervallo divisa, quarum bases & prominentiæ supra scapum æneis circulis colligantur. Variis platanorum cupressorumque

cupressorumque ordinibus distribuuntur ambulacra, in quorum medio fons eminet, placido murmure aquas ebulliens. In atrii extremitate à lævâ *Judicatorium* est, *Divan Turcicè*, quod *Vizirius* primarius, vel si abesse contigerit, *Caymacamus urbis gubernator* quater singulis hebdomadibus adit, magno militum & apparitorum numero stipatus. *Kadiliskirios* aliósque in enodandis juris difficultatibus versatissimos *Assesores* habet, quorum suffragiis & consilio in causis, cognitionibus, postulationibus, libellisque examinandis usus, quamlibet-cunque litem formaliter citra appellationis remedium statuit decernitq;. Camera duobus fornicibus innitens pavimento sternitur marmoreo, ad libellam cum arèâ ferè complanato; scamno paulò elevatiori, quod extremo parieti affigitur, imminet fenestra, ubi *Imperator*, quandocunque ipsi lubet, a nemine conspectus sedet, de re aliquâ penitiùs cogniturus.

De

De alienis negotiis (uti id obiter & quasi loco non suo hic annotatum habeamus) non sunt adeò solliciti *Turcæ*, ut ea curent, unde neminem foro adesse moris est, nisi quem lites huc trahant, nec permittunt Judices, ut quispiam otiosus intersit. Hos enim tanquam exploratores & nequiter curiosos abigunt. Quosdã *Francos* illic stare ante paucos annos vidit pro tribunali sedens *Vizirius*, de ipsorum postulationibus interrogat, *se solã videndi gratiã* illic intrãsse respondent; quibus ille excandescens, *Putatisne nos esse simias, ut huc spectatum veniatis?* Expelluntur protinùs, & parum aberat, quin singuli in curiositatis suæ poenam fustuario mulcerentur. Quo de ejusmodi periculis mihi caverem, simulatam litem *Judæo* cuidam *Smyrnenfi* intentandam curavi; ideo audaculus accessi cum interprete nostro primario, illud fictitium meum jus expetiturus. Postulationi, quam æquissimam fingebamus;

mus, faciles & sine morâ annuebant. Quo artificio ipsos elusimus, quod nobis non pluris constitit, quam centum circiter aspris Actuariis pro more ob chartam obsignatam datis. In aliis *Palatii* appendicibus describendis non est, quod *Te* morer. Quicquid ultra portam tertiam continetur, *Christianos* latet. Quod extra apparet, licet id non sit architectonicis regulis prorsus congruum, magnificum videtur, pinnaculis deauratis turribusque fastigiatis illustre. In clivo montis decurrit ingens ædium à mari facile spectandarum ordo, hortique longo tractu protensi litori obiacent. Sed de his hætenus; cætera enim quæ prudens omisi, a plerisque scriptoribus facile petenda sunt.

Quo mercatoribus cæterisque advenis, qui qualicunque de causâ urbem petunt, melius subveniatur, iis recipiendis, cum id humanitatis, & officii aliter à privatis hominibus frustra

strà fit expectandum, passim exstruuntur in plateis insignioribus publica hospitia, ad usum magis quam ad pompam, quo se divertere possint. Nemo ab his, quoscunque religionis ritus colat, excluditur. Nomina autem à *conditoribus*, vel à peculiari *mercium*, puta *serici, oryza, &c.* quibus tanquam in apothecis reponuntur, genere sortiuntur; è quibus duo cæteris antecellere videntur: alterum ab *Imperatoris*, qui hodiè imperii *Turcici* habenas moderatur, matre propè *Moscheam* suam ad finem, alterum à *Kupriulio Vixirii hodierni* parente in *Taouk bazar*, seu *gallinae foro*, conditum. Omnium eadem forma est, idémque usus. E saxo cæso plerunque conduntur; aream mediam, quæ in quadrum extenditur, non rarò occupat *Moschea* una cum fonticulis; angustis cubiculis tota, etiam in inferiore parte ambitur, cum in antiquioribus totus ambitus sub eodem tecto sine tabulatis & parietibus interge-

tergerinis pateat: A primo aditu
 faxeis utrinque scalis ascenditur in
 porticum, parem cubiculorum nume-
 rum à latere habentem, quæ ab ex-
 tremo ad extremum circumcirca per-
 tingit.

His proximè cedit *forum* ingens;
 quod *Bezeſten* dicitur, figuræ quadra-
 tæ. Hic linteum, pannus, ſtragula,
 pelles *Zybellinæ*, cæteræque quanti-
 vis pretii merces veneunt: muris
 clauditur faxeis, atrium officinis ſi-
 bi invicem, modico intervallo, quo
 itur, relicto, oppositis intercluditur.
 Hoc autem *Pruſiano* amplitudine &
 ornatu longè inferius mihi vide-
 batur.

Cum mundities, quam affidua lo-
 tura expoſcit, ſit præcipua pars re-
 ligionis *Mohammedicæ*, nec minus va-
 letudini firmandæ in hiſ regionibus
 conducat, balneis publicis plebi;
 hic, uti in quavis urbe celebriori, hac
 ex parte benefit. Materia autem ex
 quâ conſtant, utpote marmorea, fi-
 guræque

gurâque, quâ ſupra viliffimas ædes in tholum affurgunt; illis non parum nitoris & ornamenti conciliant. In exteriori atrio, ſpoliario nimirum, quod opertum eſt, fontem circumambit murus lateritius floreis ſtratus, quo veſtes loturi exuunt; inde per anguſtum veſtibulum ad amplam cameram tranſeundum eſt, quam ob tholum ſphæricam dixerim, niſi quod in varios ſinuetur & excurrat angulos, in quibus tanquam in reſſibus excavantur ſedilia. Quamprimum acceſſeris, non niſi cum difficultate reſpirandum eſt; ſpiritu calidis aquæ hypocauſti per ſiphunculos immiſſæ halitibus penè oppreſſo; qui adeo craſſè exſpirant, ut à tecti faſtigio, ne penitus avolent, impediti; reſectantur, & denſiores facti, guttatim decidunt.

De præſinito *Moschearum*, quæ ſingulis ferè plateis *urbis* lociſque circumjacentibus occurrunt, numero certò non mihi conſtat; in assignan-

h

dis

dis rerum, ut solâ conjecturâ fit, quæ simul confusæ oculis obversantur, numeris sæpe excessu erratur. Quod nescio an mihi ex parte contigerit, dum vulgarem calculum, quem jam reductum habes, in superioribus epistolis apposuerim. De iis autem, quæ ab *Imperatoribus* conditæ, ob amplitudinem capacitatemque nuncupantur *Giameler*, (cû *Mesgid* sit nomen generale, quod *locum sacri cultus & adorationis* denotat, & minora quæq; *oratoria & sacella* comprehendit) maximè glorientur *Turcæ*. Horum laudibus decantandis strenuè incumbunt, qui religioni tam splendido apparatu ingentibusque sumptibus consuluerint. Hinc mentis erga cultum *Mohammedicum* zelus ardorque apud ipsos emicat; hinc rei militaris prosper eventus indicatur, cum a multis annis invaluerit, id nemini, nisi; qui cum *Christianis* aliisque *Turcici* nominis hostibus bellum feliciter confecerint, permissum iri. Ita *Imperatoribus*

peratoribus à *Muphtis* aliisque suæ religionis mystis subdolè persuasum est, ut odium, quod contra *Christianos* alunt, hoc famæ stimulo magis acueretur. Imperium novæ provinciæ auctario ampliandum est, ereptis urbibus & propugnaculis *Christianorum*; fines ipsius extendendi, antequam quispiam novum templum se moliri posse speret, spoliis utpote pretio condendum, dotandumque redditibus è terris, quæ sorte belli in peculium nupèr cessere. His regis fabricis maxime superbit *Constantinopolis*, harumque magnificentiae præcipuam gloriam, quam hodiè jactat, acceptam refert. Eminèns conspiciuntur, sitæ super montes in dorsum promontorii projectos, qui licet non rectâ procurrant, tamen curvaturam ingens illa altitudo tantoperè imminuere videtur, ut non obstet quo minùs celeri oculo aliquis eos percurrat.

Templa autem hæc regia numerantur octo, quorum ordo hic est.

Aia Sophia, sanctæ Sophiæ templum;
hoc enim nomen; quod primo inditum erat, hodie retinetur.

*Achmetis, in Hippodromo in planitie
ejusdem montis situm.*

Bayazidis.

Suleimani, prope vetus palatium Imperatorum.

Shahzadeb seu filii Imperatoris, quod in memoriam filii primogeniti Mohammedis, quem e Roxolana natum Magnesiæque præfectum in summo juventæ ardore illic extinctum maximo affectu etiam mortuum prosequabatur, extrui curavit idem Suleimanus.

Mohammedis, qui urbem debellavit. Templum olim Christianum, Apostolorum memoriæ dicatum, quo quam plurimi è Græcis Imperatoribus sepulti jacent.

Selimi, patris Suleimani, qui Mamlucorum imperio everso extinctoque Ægyptum subjugum misit.

Denique aliud *Mohammedis* templum, quod *Phatih i. expugnatoris* peculiari nomine nuncupant, (ad discrimen

men hujus ab altero) olim *beatissima* virgini consecratum , quod *Gennadio Scholario* in *Patriarchû* postexpugnationem *urbis* ab ipso concessum, post levi prætextu ereptum suo nomine insigniri placuit.

S. Sophiæ templum, quo sæpius ingredi contigerit , eo magis magisque obstupescendum ob mirabilem ipsius architecturam videbatur. Artis penè miraculum ipsiusque maximum conatum meritò dixerim hoc *Iustiniani Imperatoris* opus, quod ex elegantissimo *Procopii Cæsariensis* de *edificiis* illius libro neutiquam quoad ambitum imminutum videtur , prout aliqui nescio quibus conjecturis inducti id sibi persuasum voluêre. Quali autem formâ hodiè visendum sit, licet parùm accuratè & mathematicè, juxta *ideam*, quam frequenti visu in mente meâ conceperam , hic brevissimè exhibebo. Ante *Templum* porticus magnifica totam ipsius latitudinem a *Borea* ad *Austrum* metitur : huic adi-

tum præbet ab extremorum alterutro porta ex ære inciso opere curiosè elaborata; in illius autem, quæ regiam collis viam propiùs spectat, valvis variis circellis anni ^{ἀπὸ κτισθεὶς} sive ab *orbe condito* juxta computum, qui non minus ac *era Dominica* apud Græcos olim invaluerit, inciduntur: quorum numerus mihi penitùs excidit è memoriâ. In latere opposito quinque exstant portæ crassiusculis fulgidissimi æris laminis obtectæ, in navem ducentes. Tota longitudo templi est centum ferè viginti passuum, amplitudo verò duplo paulo minor. Fabricam arcubus innitentem tres ordines columnarum, quarum bases & epistylia spiris æreis circumcinguntur, suffulciunt, non unius speciei & coloris; hinc enim marmor *Ophiticum*, illinc *Porphyreticum*, alicubi *Alabastrites* oculos astrinxerunt perculeruntque. In medio in ingentem altitudinem erigitur *Hemisphærium* quod columnæ quatuor ad *septentrio-*

nes duæ, duæ ad *Austrum* sustinent. Ingentem verò hunc tholum plures ejusdem formæ minusculi ambiunt, alij aliis superiores. Exporriguntur utrinq; sacella seu ædiculæ, figuræ oblongæ, quas varius columnarum ordo multiplexque dispositio efficiunt. Per cochleam saxeam mollitèr surgentem, quam quasi in tot gradus eminentiæ instar strigarum transversim extuberantes dividunt, ascenditur in superiorem porticum tria templi latera implentem. Ad *Orientem* enim utrinque terminatur. Illa pulcherrimis quoque columnis, licet non ejusdem crassitie cum inferioribus, ornatur, viginti meos passus lata, oppositis lateribus in eandem, quam habet inferior templi pars, longitudinem extensis. Inde liber in templum subjectum despectus, fœminis olim, cum sacris officiis interessent, has sedes, uti videtur, occupantibus, seorsim nimirum a viris, quod apud *Græcos* hodieque obtinet,

mentum tum quod templi solum, tum quod porticum tegit, marmoreum est, non in fragmenta minora sed laminas mensasque amplas diductum. Parietes è lateribus coctis ab omni parte marmore incrustantur. Laquearium concamerationes olim ornarunt curiosæ figuræ, opere *Musivo*, quod è concinno tessellarum calculorumque ordine componitur, factæ, hodiè deformatæ, *Turcis* ex innato imaginum odio, quo in ipsas debacchari solent, illarum oculos eruentibus vultumque deturpantibus; è reliquiis autem, cum tota litura non inducatur, operis artificium & pulchritudinem contemplari licet, deque historiis sacris, quas exhibent, cuiuspiam paulò accuratiori obtutu in ipsas intuenti veram facere conjecturam difficile non erit.

Templi *Sophiani* formam, cum ob pompani & nitorem, tum ob amplitudinem, quam figura exhibet, *Turcis* perplacuisse hinc constat, quod ad
illius

illius modulum alia erigenda curaverint : à quorum minutiori descriptione, etiamsi hâc de causâ mihi superfedendum sit, pauca tamen de magnificis præclarissimisque *Moscheis*, quæ *Suleimani & Achmetis* nominibus insigniuntur, annotare non pigebit.

In medio, quo *illius* templum circumcluditur, atrio eminet peramplus fons, desupèr obtectus, figuræ quadræ, opere curioso elaboratus. Porticum ornant columnæ, pavementum verò ejus lamina (si fas sit dicere) *Porphyræ* instar mensæ strata & diducta. Tholus suffulciunt quatuor ejusdem marmoris columnæ, quarum scapus, ubi maximè tumet, viginti circitèr pedes in ambitu complectitur, *Christiane Ecclesiæ* spoliū, non enim eo usque altum assurgit *Turcarum* ingenium, ut de tali artificio gloriari possit.

In *hujus* templum duodecim gradibus saxeis ascenditur, fores ahenæ mirâ arte inciduntur : quatuor testudinis

itudinis arcubus, uti in aliis, totidem ingentes columnæ supponuntur. Illæ autem planè factitiæ sunt, utpote non è nativo marmore è lapidicina eruto cæsoque, sed artis fusoriæ beneficio conflata & coagmentata. Harum ambitus viginti circiter sex passus continet, quod circumeunti constabat: neque enim alio modo eum metiri ausus sum, ne *Turcis* in rimando hoc templo nimium & malè curiosus viderer. *Feni* i.e. *novum* hodieque audit, appellatione apud vulgus longo usu inveteratâ, licet pulcherrimum & admodum celebre templum ad finem juxta portam *hortulariam Imperatoris*, qui hodie regnat, matris, gente *Russæ*, & sacerdotis filia sumptribus ante paucos annos conditum fuerit. Quæ hic cum cæteris *Regiis* communia sint, paucis describam.

Pluribus portis itur ad atrium, muro saxeo ampli circuitus circumdatum; propè adsunt fontes vel aquæductus minores longo siphonum ordine

dine distincti ad usus sacros; nemo enim illotus, cui religio curæ & cordi est, precabitur. A latere *Xenodochia* & porticus arcuatim exstructæ, eminentibus earundem sphæralis, quæ plumbo tectæ rectâ lineâ extenduntur: turrès cylindrææ instar columnarum sunt quatuor, (excepto illo *Achmetico*, quo sex numerantur) è quibus populum de sacro cultu peragendo monent, adque templum altâ voce, immissis in aures digitis, ne clamore isto incondito terebrentur, invitant sacerdotum ministri. Hæ ædibus contiguæ in solo profundius figuntur, quarum in oppositis angulis situs quadrum efficit. Unamquamque triplex quasi podium, cujus aditus objacet *Meccæ*, circumambit. Summitates turrum auro depictæ instar Pyramidum fastigiatim desinunt, quibus supereminet lunæ falcata ejusdem coloris figura, quo *Mohammedanorum* insigni quælibet sacra ædícula superbit. Templorum parietes interdum

dum *Dei*, interdum *Mohammedis* ejusque *sociorum* nominibus, interdum formulâ illâ, quæ *fidei* apud ipsos summam comprehendit, inscribuntur. Ingens lychnorum pensilium è chry-
 stalllo numerus ferreis circulis affig-
 gitur, qui solâ nocte accenduntur, quo tempore lumen ab arcubus & co-
 lumnis plurimum reflectitur, ut to-
 tum illud quod interius est ignescere videatur.

Propè visuntur ædiculæ (*Turbeh*) ejusdem muri ambitu conclusæ, *fun-
 datorum* reconditoria; nemo enim apud *Turcas* in templis sepelitur, ne *Imperatores* quidem. Fiunt è marmo-
 re candido, inque parte inferiori in figuram polygonam excurrunt, at su-
 pra in tholum definunt. Parietes quandoq; omni ornatu nudi sunt, non raro autem emblemate vermiculato constant. Intervallum illud, quo sandapilæ marmoreæ, quinque pe-
 dum altitudine, supra pavimentum floreis vel tapetibus stratum exstant,
 cancellis

cellis ferreis rostratis circumambitur, duobus ingentibus & cereis in candelabris illic affixis. Sepulchralia capula *Imperatorum*, corporibus inclusis longè ampliora, panno sericeo coloris plerumque spissiùs virentis, cui aurum intexitur, præcipuè in fimbriis, teguntur, tiaris, quas singulis annis novis appositis tollunt in extremo paulò elevatori altero, cui subjiciuntur capita supereminentibus. Fœminæ juxta cubant, harum capula minora quidem & depressiora vestis purpurea authiacintha obtendit supersternitque. Liberorum eodem septo circumcluduntur loculi, pro ratione ætatis variæ magnitudinis. Quotquot ex filiis jussu fratrum pro barbaro & iniquissimo more, quo imperium, quod ineunt, sibi securius diutiusque retineant, faucibus à fidiculis elisis enecabantur, circa colla sudariolum præcipitata & funestæ mortis indicium gerunt. Hæc facella, sacerdotes pau-

pauperesque eleemosynarii tum viri
 tum foeminae, pro animabus eorum;
 redditibus in illos fines collatis, ex in-
 stituto quotidie oratum adeunt. Hu-
 jusmodi plures ædiculae sepulchrales
 S. *Sophiae* templi latera ferè contin-
 gunt; illic sepultus *Selimus* filius *Su-
 leimani* cum triginta septem liberis
 stipatus; illic *Amurates tertius*, sed
 cum numerosiore prole: è liberis e-
 nim, quos sustulit, quadraginta quin-
 que juxta sepeliuntur; illic *Moham-
 mædes* quoque *tertius*; illic *Mustapha* &
Ibrahimus, hodierni *Imperatoris* ille
 propatruus, hic parens, pari fato
 ad imperium evecti, sed exemplo ra-
 riori, pari quoque eo exuti, vitâ &
 morte perquam similes, uterque fa-
 tuus & insulsus, uterque pariter tan-
 tæ dignitati impar, sub eodem con-
 sumulantur tecto: uti non longè a
 templo *Achmetis*, quem patrem ha-
 buère, duo fratres *Osmanus* & *Amu-
 rates* illius nominis postremus, ambo
 bellicosi *Imperatores*, qui militiam
 degenerem

degenerem ac otio & luxurie corrup-
tam ad veteris disciplinæ normam
reductam cupiêre, ille autem seditio-
ne & tumultu *Janazariorum*, quibus
ob expeditionem *Polonicam* malè ge-
stam adeò acriter infensus erat, ut de
iis exterminandis ac universim de-
lendis animo secum statuisset, hic
morte repentinâ, quam adscivit cra-
pula, cui se nimium indulserat, præ-
ventus.

Præcipuè verò matris *Mohammedis*,
cognomento *Magni*; *Lazari Servie*
Principis filiæ sepulchrum invisendi
ardor & desiderium me incescit. Illa e-
nim fidem *Christianam*, quâ educata e-
rat, ad mortem usq; constantissimè &
religiosissimè retinuit, nullis mariti,
nullis filii blanditiis expugnabilis:
cujus fama adhuc in *Turcarum* memo-
riis etiam nûm viget, ut dum prope
Mohammedis expugnatoris templum hîc
illic versatus, de eo adeundo solici-
tus essem, quamplurimi eorum, qui
fortè aderant, illam esse *Christianam*
apertò

aperto ore non rogati dixerint, ipsius facellum digito indicantes. Quod planè inornatum reperi: ab hoc abhorrent *Turcæ*, pauperes autem *Christiani* statis temporibus frequentes adunt, quibus pro more eleemosynæ suppeditantur.

Bassæ intra pomœria urbis suis infundis, quos emerant, subindè sepe liuntur; licet hoc perrarò fiat, & iis solis honori & gratiæ datum est in memoriam virtutis bellicosæ, consiliorum, & munificentiæ, qui de Imperio præclarissime meriti fuerint: è quorum numero duo mihi in memoriam, dum hæc scribo, occurrunt; Illustris ille & strenuus vir *Ibrahimus Bassa*, cujus laudes in *Annalibus Turcicis* effertur, & *Kupriulus* non ita pridem *Visirius* supremus, cui filius *Achmetes*, exemplo prorsus antea inaudito, in administrandâ rerum summâ succēssit, quos Imperii *Turcici* statores merito dixeris, sepultus ille prope *Suleimaniam*, hic è regione *Moscheæ*, quam

quam condidit in *gallinae foro*. In *ſuburbis* verò ad *Occidentem* quamplurima aliorum magnatum ſacellâ exſtruuntur, quorum magnificentiæ denſi cupreſſorum, quæ interſeruntur, ordines pulchritudinem & nitorem abundè conciliant. Ante omnia illic eminet *Ejubi Sultani*, qui apud *Turcas* ob inſignem pietatis famam máximo in honore eſt, ſepulchrum; de cujus zelo & operâ, quam in religione propagandâ defendendâque impendit, quamplurima fingunt fabulis ineptiſſimiſque anicularum nugis quam vero longè propiora. Unus è ſigniferis *Mohammedis*, ut ſupra innui, ab aliquibus creditus eſt, ab uniſverſis *Propheta* & *Martyr*, cujus cadaver, poſt expugnatam urbem, hic humatum terrâ effoſſâ non ſine miraculo detectum fuiſſe pertendunt: hinc illa veneratio, quam ipſi impendio exhibent, ortum ducit: hinc magnificus ille tumulus *Moscheique* cognominis. Eodem autem loci vel ſal-

tem proximè, sacellum *sancti Maman-*
tis olim memoriæ dedicatum fuisse è
Procopio certissimum est.

Adjacet atrium peristyllo orna-
 tum, in cujus medio exsurgit super-
 ba moles, quam novus *Imperator* a-
 dit boni ominis gratiâ, quasi hujus
 venerandi loci aspectus zelum pro
 eâdem fide animosius pugnandi in-
 deret, per gladii cincturam, assistentē
Muphtio, inaugurandus.

Ex instituto vitam simul agere te-
 nentur *Fanizarii*, nullis bellis eos
 foras evocantibus, ut seditione ortâ,
 vel quæcunque alia occasio tulerit,
 quam citissimè conglobati arma sub
 iisdem vexillis capeffant; quibus re-
 cipiendis duo ampla ædificia (*Odaler*)
 designantur; non longe à se invicem
 distita. Continent autem longum
 pulchrumque ædicularum ordinem,
 quarum latuscula tesserulæ argillacæ
 vario colore tinctæ ornant, pavimen-
 tum saxis cæsis sternitur; utrinque sub
 imbricamento, quod longiusculè pro-
 tenditur,

tenditur, sedes, in quarum extremitatibus pilæ æneæ affiguntur, prominent. Ab his abesse cuilibet ferè, si libet, licet, conniventibus *Præfectoris* & muneribus corruptis; diu enim est, ex quo, sensim obrepentibus otio & luxurie, vetus disciplinæ militaris rigor exoluerit, militibus jam artibus manuariis, quo sibi familiisque suis melius prospectum sit, additis. In horum medio adjacet templum *Orta Giame* (quod nomen sonat) *Janizariis* peculiare, ubi etiam urgente aliquâ imperii necessitate in communi ab iisdem consulitur.

Quæ de propugnaculo in extremo *urbis* angulo versus *Propontidem*, quod a *septem turrium* numero nomen habet, superius relata sunt, non opus habeo repetitum. Carcerem magnificentum dixerim, cui usui hodiè inservit, licet enim præsidarios in se milites recipiat, nulla tormenta, nullumve bellicum apparatus, quantum vidi, habet. Quod partim socordia,

i 2

partim

partim securitati *Turcarum* impu-
tandum videtur, qui in his regionibus
altâ pace fruêntes arces contra
quamlibet machinationem hostilem
de facili muniendas turpissimè
negligunt. In horto sub diô *Husaini*,
cognomento *Delli*, i. *insani* seu *furibundi*
ob acres animos & ferociam, quam
in bello ostentaverat, supremi *Janizario-
rum Præfetti* eminet sepulchrum,
qui jussu *Vizirii Candia* strangulatus
periit. Ita viro forti, quem invidia
fustulit, magnificè parentatum est.

Anxius quæsi vi basilicas, theatra,
porticus, horrea, thermas, tribu-
nalia, ecclesias, quibus hæc Imperii
sedes olim eminuit, sed irritò planè
labore. Inde mirari primùm subiit,
è tot monumentis, quæ è *Roma* cæte-
risque *Italia* civitatibus transtulerat
Constantinus, augendæ urbis gloriæ
quammaximè intentus, aliique erex-
erant *Imperatores*, non plura superesse.
Dum vero temporis, quod vel saxa
comminuit, edacitatem, dum urbem
dirissimis

dirissimis terræ motibus ab antiquo obnoxiam fuisse, dum denique *Turcas* in eam non minus ac in cives sæviisse penitiùs animadverterem, de paucis his veteris magnificentiæ reliquiis, quæ, licet pene omnes mutilæ & laceræ, *Turcis* barbariem meritò exprobrant, & temporis fatigue spoliū & triumphus non esse videntur, urbi gratulabar.

Circus seu *Hippodromus* (*Turcicè Atmidan*) ob spatium largius exporrectum explicatumque non sine mirificâ oculorum delectatione adhuc visitur, longus utpote, ultra quingentos quinquaginta passus, plusquam vero centum viginti latus. In ipsius extremo columna hodiè exstat, quasi stadii meta, sed illa incendii vim passa rimas agit. Integer autem exstat *Obeliscus*, è marmore *Thebao*, ob animalium figuras ab *Ægyptiis*, qui hujusmodi involucris Philosophiæ & religionis arcana & mysteria (quantilla, & quam tantis ambagibus indigna!)

luerant, lateribus insculptas, à nostris *columna Hieroglyphica* dictus. Quadrus est, basi ejusdem figuræ impositus, latera efficiunt totidem triangu-
 gula, quæ quo magis elewantur, eo sunt contractiora, usque dum in conum desinant. Moles ingens est, & quod mirère, quoad se totam absque aliquâ partium ferruminatione integra, ut in eâ, cum olim humi dejecta jaceret, super stylobaten iterum reponendâ non parum sibi gloriæ inde derivandum duxerit *Theodosius Imperator*, ut testatur duplex Epigraphæ, in *Occidentali* latere *Græca*, in *Orientali Latina*, quasi ipse solus hoc tum moliri tum perficere potuisset. Sua mole deprimitur *Obeliscus* subtus terram, ut inscriptiones in infimâ parte incisæ perlegere non sit integrum; cum verò in omni ferè itinerrario *Constantinopolitano* existent, quidni hic etiam apponam? quas dum expeditè legebam, pro fatuitate & inscitâ suâ obstupuerunt *Turce*, qui aderant,

aderant, & qualem haberent sensum, sollicitiores facti, cum à me intellexissent, de re ipsis penitus antea ignorâ sibi præter morem gentis suæ gratulari visi sunt.

ΚΙΟΝΑ ΤΕΤΡΑΠΛΕΤΡΟΝ ΑΕΙ ΧΘΟΝΙ ΚΕΙΜΕΝΟΝ ΑΧΘΟΣ
ΜΟΥΝΟΣ ΑΝΑΣΤΗΣΑΙ ΘΕΤΔΟΣΙΟΣ ΒΑΣΙΛΕΥΣ
ΤΟΛΜΗΣΑΣ ΠΡΟΚΛΩ ΕΠΙΚΕΚΛΕΤΟ ΚΑΙΤΟΣΟΣ ΕΣΤΗ
ΚΙΩΝ ΗΕΛΙΟΙΣ ΕΝ ΤΡΙΑΚΟΝΤΑ ΔΤΟ.

*Difficilis quondam dominis parere serenis
Fusus, & extinctis palmam portare tyrannis.
Omnia Theodosio cedunt subolique perenni
Ter denis sis.... ectus duobusque diebus
Judice sub Proclo sublime elatus ad auras.*

In eodem circo propè exstat *colum-
na serpentina* ex ære concavo & torti-
li facta: ad extremum autem illius
scapi tria colla capitaque paribus
intervallis inter se dissociata quasi
exfiliunt inque modum trianguli emi-
cant. Hanc olim ab aliquo mago
(fortè *Apollonio Tyanensi*, quem *By-*

tii aliquantillum mansisse constat) sub peculiari siderum aspectu , quò melius à serpentum noxis infestationibusque hâc cognatâ imagine urbs muniretur , prout sentiebat credula nimis antiquitas , elaboratam fuisse à verisimili parùm abludit.

Columna Constantiniana in *gallinæ foro* adhuc eminet , sed ne tota compages rimis fatiscat inque terram labatur , ejus commissuras ænei orbiculi constringunt. In scapo enim sunt octo saxa porphyretica , sibi invicem commissa , quorum crustæ ab incendiis nigricant & exeduntur.

In *foro mulierum* (*Aurat bazar*) alia columna exstat , quæ loco editiori posita , navigantibus in *Propontide* eminens conspicitur. In tot tantisque sæculorum retro actorum decursorumque vicissitudinibus mutilationem quoque passa est hæc ingens olimque magnifica moles, quæ ad centum quadraginta præterpropter pedum altitudinem assurgens, quadraginta duos
in

in perimetro circumplectitur. Per cochleam intus ad summum ascenditur. Illic cælaturâ non admodum artificii figuræ prominent, quæ belli apparatus resque ab *Arcadio Imperatore* gestas, quarum memoriam, famæ ad posteros usque propagandæ cupidissimus ille qui fecit, hic exstare voluit, oculis exhibere videntur, quod hætenus consentiente omnium famâ creditum est. Inde apud *Francos columenæ historice* nomen.

In occidentali *urbis* regione, quæ parvo à sinu intervallo mœnia ferè attingit, Palatii ejusdam rudera supersunt, quod *Constantini* à *Græcis* nuncupatur, an primi conditoris, an illius infelicissimi, qui matrem nomine *Helenam* quoque habuit, *Græcorum Imperatorum* ultimus, & in ipsâ *urbis* expugnatione à fugiente catervatim plebe in portâ, ut quibusdam placet, dum ipse fugam parabat, oppressus periit, planè ignoratur, à *Turcis Tekir Serai* nomine priori à *Græco* *ἡρώδης*, uti mihi

mihi videtur, corrupto. Visuntur adhuc in infima parte camera angusta marmoreis columnis curiosè elaboratis ornata; in supremâ ingens aula, quam *Basilicam* meritò dixerim. De cæteris autem appendicibus, cum ruinis totæ oppleantur, ne relinquitur quidem conjectandi locus.

Ne *urbs* tantæ amplitudinis, mari imminens, aquâ, quæ potui aliisque usibus inserviat, destitueretur, ab *Imperatore Valentino* cautum erat, qui non minùs splendori & magnificentiæ ipsius, quam commoditati consulens, eam *aquæductuum* beneficio octodecim plus minùs milliarium intervallo, per varios anfractus inflexionesque viarum illic derivandam deducendamque curaverit. Hos tum vetustate tum turpi *Græcorum* negligentia ferè collapsos de integro superiori sæculo, ingenti sumptu restituit *Suleimanus*, qui ob res in bello præclare confectas, tum ob admirandam hanc fabricam aliasque, quas molitus est,

apud

apud omnes meritò audit *magnificus*. Non procul à *Belgrado* noſtro verſus mare manant hæ aquæ è ſcatebris, inde partim per tubulos ſubter terram hinc illinc cæmento firmiſſimè cohærentes conjunctoſque, partim per anguſtos canales effoſſos lenè fluentes, in variis receptraculis coeunt. In illis calidis regionibus, ne id omit- tam, naturæ beneficam manum in profundendis aquarum laticibus gratulantur incolæ, cum earundeni beneficium per totum vitæ curriculum quàm maximè ſentiant. Hinc putei, fontes, cisternæ ferè ubivis proſtant, ut omnibus hæc ex parte ſubveniatur & benefiat. Propè ut plurimum adſtat ampla quædam camera, pavimentum habens tabulatum, quæ pyramidis ad inſtar verticem ſaſtigiatum oſtentat. Hanc generali nomine *Kiosk* appellant; huc ſe recipiunt *Turcæ* ſagrântibus anni æſtibus laxamenti & oblectationis gratiâ: in his amœnitatibus ſub arborum ambula-
cris

cris integros dies noctesque aliquando manent, & convivia læti agitant, eo potissimum fine, ut refrigerantis auræ ventilationibus fruantur. Quisq; sibi regnare videtur, dum his deliciis gaudet. Talis quoad figuram ædificula, sed structuræ longè operosioris, intra sinum *Imperatoris palatio* adjacet, cujus laquear curiosè incisum pictumque pulchrè exfurgit, parietesque tessellis variegatis ornantur, pavimento tapetibus *Persicis* obtecto. Cætera auro & quam maximè divite apparatu splendent. Quo tempore *D. Legatus Hortulanorum præfectū (Boşlangi bashi)* magnæ apud *Turcas* authoritatis, qui omnibus *Agiamoglanis* præest, inviseret, hanc subire nobis permissum erat. Inde quando hortos trans *Bosporum* in litore *Asiatico* invisere Imperatori libet, in actuariam, quam clavo assidens semper regit idem *Hortulanorum præfectus* itur. A latere *Palatii*, quod alluit *Propontis*, ferè in medio alia eminet,

unius,

unius, quæ altum è terra elevatur, contignationis, à *Sinano Bassâ* condita, quam tum ob prospectum, tum ob auræ, quam vapores marini tempore æstivo agitati suppeditant, commoditatem, *Imperator*, si urbi adsit, subinde ascendit. Sed ad cisternas quibus aquæ colliguntur redeo. Non unius sunt figuræ, quadras enim, rotundas, oblongas, polygonas passim intueri est: è cæso lapide fiunt, variæ pro diversâ earum ratione profunditatis latitudinisque: in fundum gypso vel lapide stratum per scalas commodè descenditur. Harum duæ sunt pulcherrimæ eodem penè à *Belgrado* intervallo, ad mille nimirum passus, ad *Orientem* altera, altera ad *Austroafricum*, ubi vespere spatiari solebamus. Ab hac ad primum aquæductum prope viculum *Purgos* deferuntur aquæ. Hic autem & cæteri, qui in viciniâ sunt, vici à *Christianis* habitantur, quibus à pendendo ære capitario hac de causâ immunibus, curæ est, ne stanget

stagnet aqua, ne extra suos alveos exundet, ne denique quocunque modo oppleatur, quo minùs liberè fluat. Hæc saxea moles perquàm magnifica in longitudinem maximè omnium excurret, duobus fornicum alterius alteri impositorum ordinibus suffulta; quinquaginta autem numero sunt, si benè memini. Ad imum vallis inter montes, quos jungit, interjacentis à summâ parte, quâ alveus utrinque instar projecturæ obtegitur, centum circiter pedum altitudo est. Propè & in conspectu alia grandis substructio, quæ in angulum curvatur, triplici fornicum serie munita. Ab altero latere in supremâ serie viginti duo arcus eminent, paris cum priori ad imum profunditatis: excavantur autem illic duæ porticus, quinque circiter pedes latæ, partim ab utrisque lateribus clausæ, partim apertæ, quarum intercapedo duodecim pedum arcum superiorem efficit, quibus, cum per lutum & stagnantes aquas in valle.

le ſubtus depreſſa ne utiquam tranſeundum ſit, hic tutò & de facili itur, equis manu quoque ductis. Ab alterò autem quod longè minus eſt, duodecim exſtant fornices, qui pro variâ terræ declivitate diminuuntur. Hinc ad aliud aquarum conſluviũ. Ad mille paſſus tertia moles diſtat, quæ licet infrà tantum quatuor habeat arcus ſolùmque duplicem ſeriem, tamen ob eorundem amplitudinem quinquaginta pedes excedentem ſplendidiffima & maximè magnifica mihi videbatur. Eandem fabricaturam magnificentiamq; præ ſe ferunt *aquæductus*, qui in *urbe* ſunt. Inde ad varias ipſius regiones ingenti civium beneficio per tubos aqua diffunditur.

De *Græcorum* eccleſiis in *urbe* adhuc durantibus, quæ *Chriſtianam* religionem, licet à pervicacibus *Mohammedicæ* ſuperſtitionis cultoribus horrendum in modum & graviffimè afflictam, non penitus victam triumphatamque teſtantur, non eſt quod longum

Te

Te morer, de quibus aliisque cognatis & ejusdem argumenti fortè longè commodior tractandi futura est oportunitas; cum de ipsorum ritibus cæremoniisque sacris agatur. Viginti sex in *urbis* ambitu conclusæ numerantur, sex *Galatæ*, quæ olim juxta veterè notitiam decimam tertiã & decimam quartam regionem constituebant, numero pari tam in *novâ* quam *veteri Româ*. *Galatam* versus *Aquilonem* ab *urbe* sinus, trajectu parvis cymbis perquam facilis, quatuor ferè stadia amplius, quadraginta longus abjungit, qui tantæ est profunditatis in extremo litore, ut navium onerariarum, etiam grandium, proræ telluri impendeant, pluribus orgyis jactâ bolide a puppe relictis; tantæ quoque securitatis, ut à ventorum marisque violentiâ nihil hic damni vel naviculæ patiantur; horum vim montes undique circumjecti frangunt, illius verò promontoria, ut, quo tempore à *Borea* impetuosius propellitur, in hoc inter-

intermedio freto non eo usque per-
tingat. Extrà furentibus spumanti-
búsq; aquis, ingens hîc ubivis est tran-
quillitas. Ad occidentem navale longâ
camerarum arcuatim exstructarum,
quæ juxta litus disponuntur, serie
constat, ubi fidissima triremium statio,
quas in aridam trahunt.

Galata, si ambitum & munitiones
spectes, urbis speciem præ se meritò
fert ostenditque. Mœnibus enim va-
lidissimis ab *Anastasio Imperatore* con-
ditis, quibus turres imminet, cir-
cumcluditur: versus terram præten-
ditur profunda fossa. A latere mon-
tis, qui oppositis *Constantinopolitanis*
altior esse videtur, longè excurrit;
ingenti à summo ad imum declivitate,
ut cuiquam planè cavendum sit, ne
alicubi præceps pronusque ruat. Ad-
huc quorundam nobilium *Genuensium*,
quorum sub ditione erat, declinante
& ad destinatam fatalemque peri-
odum vergente *Græcorum* imperio;
insignia gentilitia hinc illinc insculp-

ta visuntur. Extra muros tam in litore quam in dorso, nimirum *Pera*, (hoc generali nomine, quod totius regionis situm respectu *urbis* denotat, jam peculiariter restricto) ac alibi longè latèque habitatur. Sed de adjacentium locorum, cum nihil in se habeant eximii, nominibus in præsens de industriâ abstineo, ad finem scriptiunculæ hujus, quam in nimiam prolixitatem excrevisse sentio, properaturus.

Ex hâc imperfectâ & breviculâ *Constantinopoleos* notitiâ quantillum antiqui splendoris & magnificentiæ hodie superfit, & quam nihil penè de ipsius veteribus monumentis relinquatur, *Tibi* satis liquebit; utpote quæ tantarum ab incendiis, terræmotibus, novisque dominis, quibus aliæ res magis curæ sunt, mutationum vices subit, ut si modo magnus ille *Constantinus*, si cæteri *Imperatores*, qui hanc urbem, olim verè *augustam*, palatiis, molibus giganteis, obeliscis, colossis, basilicis,

basilicis, columnis, templis, porticibus
nymphæis aquarumque castellis, cir-
cis, statuis, arcubusque triumphalibus,
(æratio tantis sumptibus penè exhau-
sto) junctis peritissimorum Artificum
mechanicorumq; à quavis mundi pla-
gâ operis, excultissimam ac omnibus
numeris absolutam effecerint, vitâ
demum redditâ ad terras remearent,
de oculorum fide, quererentur, & se
in alienâ urbe, non suâ, versari crede-
rent. Ab hujusmodi autem ruinis ubi-
vis in oculos incurrentibus, quæ ur-
bes iisdem fati legibus subjici, tan-
démque interire & quasi mori testan-
tur, humanæ fragilitatis mortalita-
tisque solatium petendum esse, quod
aliqui volunt, à genio & indole hu-
manâ, ad quam à naturâ apti compo-
sitique sumus, penitus alienum ab in-
eunte ætate intimis medullis usque
fixum est, quibus potius ingemiscen-
dum mihi videtur, cum non temerè,
non casu fiant, sed ab irato *numine*
inducantur. Justissimus ille simul &

maximè misericors *Deus* harum vicissitudinum longè alium usum futurum esse voluit, tum ut quorum tristia fata infelicemque catastrophem non sine horrore contemplari, nedum præsentes intueri possimus, ab eorundè luxu, à flagitiosâ & deside vitâ, & à sacrorum neglectu & contemptu abstineamus, tum ut dum pro continuâ rerum incertitudine, quâ mundus hic periturus urgetur premiturque, imperia intestinis dissidiis, barbarorum hostium invasionibus, & mole interdum suâ fatiscere, *urbes* everti, & omnia susque deque ferri meminerimus, aliò mentem, aliò oculos convertentes, ad beatissimas *cælorum* sedes æternum duraturas, quas nulla ætas concutiet, nulla delebit vicissitudo, irrequieti anhelemus.

Sed tua tempora, *Vir Excellentissime*, qui in alienis oris paci instaurandæ magno *Christiani orbis* beneficio intentus, rem *Patriæ tuæ* strenuè & feliciter sustines gerisque, non jam
amplius


amplius morabor: Maſte eſto vir-
tute tuâ & honore, cui hæc *illuſtris*
Legatio præludit, quam omnes, qui
tuam ſine fūco pietatem, eruditio-
nem reconditam, ingentes perquamq;
liberales, quos feciſti, in augendo
quo educatus eras *Collegio*, ſumptus,
(additâ nimirum pulcherrimâ &
magnificâ novorum ædificiorum ap-
pendice) de *viris Eccleſiaſticis* benè
merendi ſtudium promptiſſimum &
alacre, tuum denique ingenium ſub-
baſtumque judicium rebus quam
maximè arduis capiendis, iisq; fa-
cilè expediendis aptiſſimum norunt,
(quis verò per univerſam *Angliam*
tantus hoſpes eſt, ut ea non norit?)
Tibi ex intimo pectore gratulantur,
nemo autem magis quam Ipſe.



E collegio B.
Marie Mag-
dalenæ Oxon.
Julii 5. A. Chr.
M. DC. LXXIII.

E. V. omni mancipio &
nexu additiſſimus.

T. S.



INDEX.

جامعہ	<i>Giameler.</i>	98.
جہالی	<i>Gebali.</i>	87.
جہ علی	<i>Giob ali.</i>	87.
چٹلا دی	<i>Chatladi.</i>	35.
ٹاؤک بازار	<i>Taouk bazar.</i>	95.
تربہ	<i>Turbah.</i>	108.
تکیر سرائی	<i>Tekir Serai.</i>	121.
تکیہ	<i>Tekyah.</i>	58.
تورات	<i>Teurat.</i>	61.
تیمور لنگ	<i>Timûr lenk.</i>	50.
حضرت	<i>Hazret.</i>	61. 62.
داؤد	<i>Daoud.</i>	61.
داؤد باشا	<i>Daoud basha.</i>	85.
در کتاب حقیقہ	<i>Dortkitab</i>	61.
	<i>itehin.</i>	61.
دلی	<i>Delli.</i>	116.
دیوان	<i>Divan.</i>	92.
زبور	<i>Zabur.</i>	61.
	<i>Zindan.</i>	

I N D E X.

زندان Zindan.	88.
ساماتیه Samathia	85.
سرای Serai. •	88.
سلیوری Seliure.	86.
شاهزاده Shahzadeh.	100.
شربت Sherbet.	37.
صواب Semeb,	53.
طاری Dare.	37.
طوب Top.	86.
عرض Arz.	45.
عورت بازار Aurat bazar.	120.
عیسی Isai.	61.
فاتح Phatih.	100.
قنار Phanar.	87.
قاضی کوی Kadikui.	77.
قاجوجیلر Kapogiler.	90.
قدس Kuds.	63.
قدس شریف Kuds Sherif.	63.
	Kuds

INDEX.

قدس مبارک	<i>Kuds mubarek.</i>	63.
قران	<i>Koran.</i>	61.
قره دنگز	<i>Karab deniz.</i>	4. 76.
قوم	<i>Kum.</i>	85.
کوشک	<i>Kiosk.</i>	123.
مسجد	<i>Mesgid.</i>	98.
موسی	<i>Musai.</i>	61.
نارای	<i>Narli.</i>	85.
والله	<i>Vallah.</i>	59.
یدی قله	<i>Fedi kola.</i>	18. 86.
دربار بازار	<i>Fezir bazar.</i>	5.
یکی	<i>Feni.</i>	85. 86.
یکی حصار	<i>Feni hisar.</i>	74.
یمش	<i>Femish.</i>	88.

ERRATA

In prioribus Epistolis p. 19. l. 14. pro *in quâ* lege
prope quam in eodem ambitu p. 113. p. 15. foris reponi
debet. ΝΕΡΟΤΙΑΣ p. 147. l. 4. aliqua.

In posterioribus Epistolis p. 2. l. 23. l. *traxerit*. p. 22.
l. 13. *Cyclades*. p. 78. l. 12. *Notozephyrum*.